

御史才名闕下知外臺行赴領分司豸衣未敝
何須改竊墨當均尚不移南浦吟成芳草色曲
江過盡杏花時諍臣自古關休戚漢使行將召
望之

○謝孫希說送長鳴雞

何物襜褕白錦毛庭前解縛便長號徒聞野鴛
令人愛未許蒼蠅代爾勞拔距羣來如赴敵
冠獨立自分曹夜深風雨偏安枕餽餒從今謝
子敖

玉延亭成次韻玉汝

偶栽山藥得佳名墻下幽亭一日成車馬勒回
無俗士壺漿傾倒盡平生升階脫屣長頭近倚
檻觀書老眼明此後來游誰復障繞籬須爲惜
殘英

次韻諸友玉延亭聯句

樓高未許臥陳登聊結荒亭揖客升坐定圍花
紅雨斷望迷宮樹綠雲層墻低漸覺簫聲近杯
淺休嫌酒面澄願得留詩成故事西菴入夜更

挑燈

喜原輝弟至京

遠道親攜藥畧來，當門下馬拂黃埃。
不驚舊日形容改，猶記前宵夢寐回。
出巷親朋宜漸訪，上牀兒子欲相陪。
平生四海尤憐汝，得向窗間笑口開。

送原輝南還

清秋欲盡向南旋，別淚何堪重泫然。
吾已行年當五十，汝今歸路又三千。
亦知禁酒勝良藥，好

爲修書附便船，舊業東城勞葺理。
相期歲晚在園田。

出昌平

晴旭熏人屬仲冬，茆簷誰識煖如烘。
冰花細結重溪石，天籟遙傳萬壑松。
此日清醅除酒禁，諸公太瘦帶詩容。
來春裹茗應非晚，最愛池泉飲九龍。

次韻施煥伯自製菜燈見送

龍筵翠玉巧相連，疑送春盤入夜筵。
園子看來

偏錯若市人攜過已喧然肯將根抵埋泥土未
許光華照木天賸有儒家風味在買油聊費幾
青錢

○秋享致齋呈同館諸公

紫禁門深早散朝步歸齋閣坐寥寥日高宿霧
渾如撲秋至涼風不待招河上圉人來浴馬樹
邊童子去承鯛詩仙只在爐烟底翻盡晴窗白
雪謠

次韻侍郎王公還南京留別

秋水浮來畫舫新南歸仍喜度天津未從江左
誇王導如向朝端見李紳黃菊又逢燕地晚青
山偏愛秣陵春陛辭却在重瞳顧應識青宮舊
學人

贈顧正科鏞還中都

清晨持刺叩門投有客來從淮水頭吳下故家
依二曲沛中遺調習三侯閱人詩畫才情麗傳
世衣冠仕路優欲盡尊前鄉土話雪晴歸騎恨
難留

謝濟之送銀杏

錯落朱提數百枚，洞庭秋色滿盤堆。
霜餘亂摘連棋子，雪裏同煨有芋魁。
不用盛囊書復寫，料非鑽核意無猜。
却愁佳惠終難繼，乞與山中幾樹栽。

對雨

清池水長欲平橋，雨勢渾如上晚潮。
泛泛漸於亭礎近，淙淙真是甃泉遙。
即看竝浴鵝羣戲，却恐新生魚子漂。
東望菱濠歸去好，吳儂家有木

蘭橈

次韻任太常致仕留別五首

歸去如公未當貧，清溪碧嶂自爲鄰。
地偏易覺柴門晚，室煖先知布被春。
書爲長觀成故紙，衣從新浴少浮塵。
集雲山下吾廬在，得向今朝置此身。

此身真喜置吾廬，尚有牀頭一束書。
海口潮生知進退，天心月到識盈虛。
已辭朝士誰通訊，欲就漁翁更卜居。
百里好山俱在眼，只教童子導

籃輿

籃輿朝出看山初懶學陶潛去荷鋤新法不行
誰執拘舊書無用是潛虛俗人自詫才名盛老
態終嫌禮法踈三月柴門無客到日高閒把白
頭梳

濯足梳頭舊有緣更交午睡學坡仙一身自足
三間屋百歲誰增半畝田遇壑便回憂險地看
雲高坐愛晴天朝雞官馬俱無用贏得工夫是
晏眠

晏眠不覺過殘冬枕上哦詩做鮑容猶喜形骸
從小隱官將名姓入斜封日中塵滿爭爲市樹
低陰冬獨課農應笑丁公偏差異宵深腹上夢
生松

觀耕籍田

春郊風動綵旗新快覩黃衣是聖人盛禮肇行
非自漢古詩猶在宛如幽朝臣共助三推止野
樂全勝九奏頻稼穡先知端可賀粢盛不獨備
明禋

歷代詩選 送賀御史出守蘇州

吳民方切九重憂祖道休將五馬留朝著久稱
真御史封疆還屬古諸侯香疑燕寢韋郎詠棹
續花橋白傅游我忝郡人無以頌擬叨循吏傳
重修

○宿功德寺航公房

山下禪堂向晚登扶筇一笑有盧能飯餘蔬筍
收齋鉢供雜香花映佛燈漢闕乍違同野吏吳
音無解盡鄉僧蒲團睡穩回清夢風雨蕭蕭撼

古藤

飲玉泉二首

龍唇歎薄淨無腥純浸西南萬疊青地底洞名
疑小有江南泉品類中泠御厨絡繹馳銀甕僧
寺分明枕玉屏曾是 宣皇臨幸處游人誰復
上高亭

垂虹名在壯神都玄酒爲池不用沽終日無雲
成霧雨下流隨地作江湖坐臨且脫登山屐汲
飲重修調水符渴吻正須清冷好寺僧猶自置

茶爐

徐州重修黃樓

樓中不見羽衣人
黃堊依然四面新
坐使河流循故道
俯臨山石倚長津
名邦信美皆吾土
勝日登高與衆賓
從此欲傳州守事
只須題壁掃清塵

葉翁以叢竹分種因題墨謝之

東巷青青早見分
歲寒別種共欣欣
世間益者成三友
林下賢人詠五君
雨過不須論醉日
風

回時復見晴雲傳
神妙手今難得
聊入筠窗翠鳳羣

送陳一夔調瑞州日知

古筠南去興飄然
僕子詩囊早在肩
莫以瑕疵論白璧
不妨顏面照清泉
秋江直入吳中路
春樹遙瞻渭北天
壯志未衰功業始
尊鱸誰愛味新鮮

送林世調赴湖廣叅政

已愛超遷愜所推
不知清議尚嫌遲
省中公事

方多日席上同年漸少時西控早成持檄夢南
行兼慰倚門思春來舍館渾如舊荀氏于今更
一慈

十六夜邀仲山濟之禹疇飲

雪月交輝嘆未曾寒生硯沼見春冰年將六十
應推我地近西南已得朋坐久市燈無一盞飲
來官酒只三升山陰回棹真堪笑此夜分明與
可乘

○後夜無月

月向圓時正好看浮雲入暮故漫漫陰晴明日
真難料用舍平生只自安天上無人收倒影海
東何處溢清寒虛簷不礙長松樹獨坐胡牀到
夜闌

○中秋後二夜獨坐

不須把酒問青天秋色平分恨稍偏已覺初昏
星漸密難教旣望月長圓詩中蟋蟀依牀下江
上芙蓉到檻前更有桂花香可挹虛堂獨坐未
成眠

夜宿啓南宅風雨大作

賓筵燈燭對清光更許扁舟繫岬傍
衆竅盡號風在野舊痕猶記水侵墻
草堂突兀春星暗柳市回環海浪長
天意莫言能滯客老年難自別西莊

太廟候祭復游東園

百畝園依清廟開去年初夏憶曾來
繁花盡落留紅藥新筍叢生帶綠苔
北闕倚雲通劔佩南宮隔水見亭臺
令人頓作山林想况有蕭蕭白

髮催

次韻玉汝報恩寺訪舊蓋嘗同寓文僧房
今三十二年矣

步履重臨塔影邊禪房深處裊香煙
金陵黃氣惟當代蘭若清氛似往年
花石映門幽徑側竹林圍屋古臺前
舊游零落多詩思莫怪摩挲爲悵然

偶有客言以老態從上爲壽徵戲成絕
白盡髭鬚正不愁吟詩撚斷更風流
從今越把

詩吟苦索性還教白到頭

詠南內新柳

節近清明楊柳新
玉河橋畔少車塵
都門送別應無數
不許臨岐折贈人
綠嫩遙看更碧柔
非煙非霧曉難收
牆高不使花飛過
却化浮萍出御溝

墨竹

深林不減篔簹谷
亂影都歸丈八溝
最愛長竿如綠玉
何年去上釣魚舟

趙松雪蘭竹圖

鷗波亭上春風筆
秀色翛然共一丘
頭白江南真想見
幽蘭叢竹帶桑洲

爲奎姪題石田雪景

瑤林依石斷雲攢
雪後西山更好看
憶向越來溪上過
梅灣玉削數峰寒

○題陳季昭畫

金昌亭側舊樓居
索畫人來坐不虛
誰信高年筆猶健
案頭臨畫似臨書

題王浚之畫茅山圖

句容古縣頻來往萬轉荒溪出亂松
畫裏茅山依舊在白雲開處見三峰

雪寒探梅

新年京國競繁華東巷深居自一家
春到不如吳下晚石湖詩裏探梅花

夏日園中小適二首

藤蔓紅稀棗葉青欲逝新暑只登亭
夕陽西去清陰滿閒向籬根拾鶴翎

荷錢初放亂浮萍却有新條結翠屏
幾日小園無雨到莫斟池水入花瓶

石倉十二代詩選

明次集卷五十一 終



石倉十二代詩選

明次集卷五十三

南峰遺稿

大明

吳縣楊循吉著
後學曹學佺閱

黃河阻風有作

風乃天之威可有不可弄如何兩晝夜赫赫操
柄用小舟亦何力乃欲當鼓動况在四野間號
怒聲亦縱蓬苦盡翻飛撈摘疲僕從客子不敢
起卧久筋骨痛衾裯冷如澗雙脚盡僵凍早炊
告將及乏米自探瓮幸有文字携曾不廢吟誦

晴明坐可待日影來隙縫人居忘道途于茲復
淹壅因憶向所經一一皆成夢

抄書

沈疾已在躬嗜書猶不廢每聞有奇籍多方必
圖致手錄畏辛勤數紙還投棄買人供所好恒
輟衣食費往來遶案行點畫勞指視成編亦艱
難把玩自珍貴家人怪何用推却從散離亦蒙
朋友笑既宦安用是自知身有病不作長久計
偏好固莫捐聊爾從吾意有子雖二人未知誰

可遺我但要披閱豈復思後世逢愚聚亦散賢
卽能添置區區慮遠心何其錯爲地不如供目
前開卷有真味

題書厨上

吾家本市人南濠居百年自我始爲士家無一
簡編辛勤十餘載購求心頗專小者雖未備大
者亦略全經史及子集無非前古傳一一紅紙
裝辛苦手自穿當怒讀則喜當病讀則痊恃此
用爲命縱橫堆滿前當時作書者非聖必大賢

豈待開卷看撫弄亦欣然柰何家人愚心惟財
貨偏墮地不肯拾壞爛誰與憐盡吾一生已死
不畱一篇朋友有讀者悉當相奉捐勝遇不肖
兒持去將鬻錢

詠陽山雲泉菴大石奉和諸公同遊聯句
之作

偉哉此陽山有石俟歌誦形將冰塊截勢與蓮
花共仰觀一何高登陟不可鞚鳥飛必徊翔雲
出自騰滄孤圓外成嶠空朗中含洞瘦如辟穀

良清若食蚓仲深思殆天設乍至令人恐濃蘿
作垂陰寒泉滴爲凍戴菴亦顛危携觴更交綜
耳脇或駢攢勒拳時獨送巍巍上少壘森森下
多從荒厓始誰開倒樹諒非種在茲三吳間當
以九鼎重崇巖借冠冕卑巒聽提控勞呼猿固
匿被壓松堪訟曲躬始得門側身還入衙拂首
劣容眠收乳兼資用志猶記秦餘林邇遺禹貢
立久氣濕袍嘯高聲答瓮論年越殷周言時晦
唐宋一爲佛者居永作遊人奉病宜謚著史寐

稱搏養永四方傳不誣諸公評切中臨谷足還
酸乘巔目偏縱支頤詎厭看極目難竭諷鬼鑿
手須胼鯨負背應痛東岱徒小魯西華繆推雍
懸磬風燄明香爐煙結供曝沙伏靈龜食岡停
遠鳳是知隆拔羣所貴秀合衆偷餘殿容棖就
際亭閣棟枯藤蔓穿窾長蛇舌撩縫輕盈受指
彈玲瓏脫泥塗芾拜本無忝羽撼爭得動栽培
稀尺閒構架靡寸空炎伏涼自生清秋月堪弄
林深必賴燭嵐酷能作躡星光猶立芒龍吟殊
叶碛嶺獅馴以賓阜獰敢與閑久嗟隔勝賞頗
勞落清夢卽欲營終棲其柰懷微俸

靈谷會宿次韻

靈谷古名剎四圍山成翠梁人之所建唐碑猶
未毀入門青松密綠徑野花媚清居特幽深竒
境自零碎無泉不濟渴有石可眠醉茲遊時日
良在會賢豪備溪漁薦肥鮮野果羅其脆縱橫
鞍在馬掩映袍明雉喧喧笑語冷袞袞酬酢亟
惟彼官坐衙有若賈居肆苟非自抽拔終當老

歷代詩選 四林表詩
關閉孤忠林員外大魁儲主事周公以鄉集余
子用隣至誰知四海望乃今日萃名爲問疾
病實則尋遊戲高步履聲遲雄辯詞鋒利與實
入雲鴻才捷追風驥天涼秋可坐月皎夜不寐
主人雖好客難免紙筆費

詠蓮房

白露褪紅衣亭亭挺寒碧污泥乍相辭衆果何
敢敵倒持若覆杯平放如架幘折莖脆連絲啖
實甘流液味帶胡波鮮態合溪雨側蜂巢開戶

牖蠶翼謝泮泮債兮笑鷹多駢甬釘頭積誰知
心獨苦却訝紋常襞樽前憶吳歌老去傷國色
何慚登鼎俎自可利胸膈截來馬蹄圓剗出魚
眼赤謫仙號猶存濂溪愛非假奴視粟與黎句
賞主爲客時新想南濠土產誇東瀨水神怒擎
拳溪女采畱跡感子遺瑤瓊深情在鄉邑

石假山

何哉竒復竒聚此照眼碧玲瓏千百竅突兀八
九尺中居獨尊嚴俯擁互扶掖猊雄怒張吻馬

瘦高見脊枯藤絡巖生老檜鑽坼網湖水獻
寶斧山雲失宅飛來鷺峰峩推開劔門割狎觀
常解帶肅拜或呼憤勢掩肺腑層形標拳臂隻
浪淘猶見紋虎爪仍存跡朝惟講僧坐夜乏將
軍射三槎非可參一拳茲乃積風雷蓄深杏花
草栽狼籍磨堪鏡功名眠可携被席曲折畫手
知巧妙詩家得陟磴披翠篁臨池扣金鯽林泉
釣初心漁樵盟舊癖空支九節杖莫縱千仞屐
窗窺雖眇小意賞同弘碩幸忝司郡人寧愁竊

中夕

都下夜集對雨

高筵啓秋雨頓爾淨餘熇階前渠溜走燈下簷
花落蕭蕭贊歸懷潺潺亂歡謔來同銜枚陣響
失巡更柝積陰已連朝浮潤先徵昨塵消目俱
清風生窗盡廓卑棲雞白鳴餓勒馬方嚼滴成
旅况愁罰遣吟筆閣一笑紀新詩趨朝明又各

送楚巖往支硎山

昔有支公者曾爲此山客至今石磴上猶存馬

月十言選 明初詩話 卷五 二頁五
歸迹寒泉出傍澗散漫流不息何人作大字筆
勢甚竒特巖巖圓通殿飛構爛金碧春來香火
盛傾城出遊適施錢日滿鉢來往恒絡繹世人
競刀錐于此乃不惜我當少年時一歲嘗一卽
提携隨父兄娛覽常至夕別來已幾時何啻十
年隔此山是名山先從晉時闢非有高行僧何
堪主其席今師遂當往遠續前人蹟我今何以
贈小謁聊塞責切煩大士前我爲啓胸臆慧眼
無不觀是物皆潤澤如何不見我因此塵俗役

願垂楊枝露灑我一點滴不願官祿高不求財
寶積但願塵勞中早脫奔走厄無災復無難居
家作禪伯保此清淨心永離種種色與師結晚
交來著登山屐

淨公住東隱

山水誰不愛顧乏能遊人澗中本多勝石秀而
泉淳向者雖一到終是居官身抱官遊山水味
自不相親今子遂當往我亦解朝紳相從巖谷
裏以子爲依因子將舊草履我有新葛巾滴泉

歷代詩選 目錄 詩
與片石務搜天所珍

殘雪

殘雪經時久常聞簷溜聲
謂晴階又濕疑雨日
還明地背融偏後宵寒
凍復成不妨留尺寸借
爾照書楹

旦公住寶積寺

古寺石湖邊爲僧今幾年
開堂小遊戲出世大
因緣生死一夢耳江山
常熾然遙知末句子不
肯向人傳

鄂首座還山

病中承數過清話一爐香
對食同甘菜忘形不
下床壁間懸笠破門外
倚藤方惆悵明朝別何
人訪寂鄉

嚴長老歸寶積

黃蘆寶種寺創自鏡禪師
佛殿已百歲僧房今
六枝洞房山出牖笠澤
水通池他日吾將到來
題壁上詩

除夜雜咏

歷代詩選

月易言集

次集卷五三

八

四

歲除當此夜灑掃事匆匆井上皆封草門前盡
畫弓祠堂神影挂客座佛筵崇撒豆祈兒疾存
炊忌釜空辟瘟燒术煖承俗燎柴紅啓篋新衣
振除庭舊室攻買錫迎竈帝酌水祀牀公春帖
題鄉窳年書誦學童插籩皆拍葉戲火有黎筒
殘曆收年盡深缸洗臍終市闌驕物貴隣里饋
糕通未識他州節於斯異與同

元已見過

忝作城南酒主人盤飧雖少意偏真中年流落

堪垂淚荒里經過每借春久伏海鄉諸念息一
逢朝士偶聞新興懷及此能無感當念休嫌歎
息頻

見白髮

料應白髮有來時三十登頭似未宜愁已生根
從汝摘老先呈態要人知莫勞曉日梳千下終
見秋霜起一絲若道只因詩故白隣翁元不會
吟詩

果前堂南歸

雲水飄然一老僧頭顱種種貌稜稜人間正果
俗將滿海內名山遇卽登向外見來終不實從
前學得是無能此歸莫向舟中結且卧隨身七
尺藤

東昌贈朝用同年

雪晴相訪滿階泥流水淙淙總入溪名忝同年
雖幸甚會從開牘已難齊杯盤簡儉情偏厚器
局深沈語益低一夜東昌城下泊歸心非緩爲
君羈

寄賀故人新受河間學職

別君無幾聞君選知在河間作教官花遶郡城
皆茨藕味多鄉物是魚鰻在京故舊通書易按
部台司責禮難請得俸糧休別用多抄經籍老
來看

新治小軒成

費將心力治齋居細竹移來葉尚疎雪白燭光
鋪榻眼鴉青布色染簾裾規模別出經營外景
物新呈晦沒餘髹壁正妨童穉汚粉牆還待友

朋書今宵纔是題詩起此席方爲讌客初前郭
後村無曠地相過莫訝少寬舒

滴露菊

花露秋香滿紫苔芳根重見一枝開何當移取
金莖去雲表和將玉屑來

錦雲紅

僊娥雲錦織鴛機吹落花開祇欲飛留在山家
無客處容教玉女剪春衣

賽西施

越國佳人天下奇此花尤更美丰姿當時若使
吳王見肯醉芙蓉太液池

白西施

膩粉脂容玉雪膚花神瑩白羨吳姬秋風素魄
東籬下不逐鴟夷泛五湖

醉楊妃

一枝無力倚娉婷曾記真妃酒未醒不道沈香
亭畔寵秋風籬落易飄零

孩兒菊

軟玉肌膚膩粉姿
啼痕彷彿露香垂
一枝低卧苔煙上
似向花房壓被時

勝黃金

中黃一氣稟坤宮
苑北園南色更濃
總使秋陽如烈火
肯隨朝露便消融

玉錢菊

不隨九府鑄青銅
刻玉雕瓊巧用工
憶其花鈿零落後
至今狼籍怨秋風

寒菊

金蘂熒煌翠葉圓
移栽花屋最宜看
一冬齋閣深深閉
畱待秋香到歲寒

黃牡丹

京洛豪華迹已陳
姚家春色對何人
于今寂寞東籬畔
又作黃花十度新

小金蓮

黃金小朶爛光輝
曾近雕闌照繡衣
幾度醉看花上月
絕勝宮燭夜深歸

白荔枝

娉得嬌如十八娘，肥膚清潤雪生香。阿環此日能相見，憶却金盤玉露漿。

玉菡萏

分得瑤池種，最奇半含香。露尚開遲，風清月白東籬畔。猶憶江邊欲墮時。

紫丁香

番舶何人得種來，紫尖香藥果奇哉。春風枝上相思恨，結到秋深尚未開。

玉兔華

廣寒玉兔落陰精，秀結秋風一種青。却笑風霜憔悴死，虛勞搗藥濟長生。

鴛鴦菊

韓朋魂魄舊風流，結就花枝也並頭。千載未消連理恨，尚留殘蝶戀深秋。

鶴翎白

何處仙胎脫縞衣，傲霜枝上弄清輝。可憐不得青田夢，幾度臨風祇欲飛。

剪鵝翎

歷代詩選 明楊君詩
三
鵬鵬霜毫蛻滿池天工碎剪上花枝折來插在
烏紗畔絕勝春蛾點髮絲

麝香黃

誰向西風剖麝香餘芳濃染露華黃秋光老圃
無人識石竹叢叢蔓草荒

鶯初黃

流鶯春夢落東籬金縷衣裳憶舊時五柳門前
飛不去羽毛零露作花枝

疊雪羅

宮衣朝賜雪生香團扇春風日正長此際看花
還舊色重陽錯認是端陽

僧鞋菊

鳧舄當年巧製裁曾隨老衲步雲臺逃禪誤落
東籬下化作霜花九月開

銷金菊

誰抹泥金上絳綃要將花蕊鬪春嬌
党家帳裏清歌歇一點餘香尚未消

金鈴菊

黃宮小朵綴金鈴風動花枝似有聲曾憶絳羅
幃幄底飛來山鳥亦相驚

玉連環

雕瓊刻玉鬪玲瓏奇巧分明出化工都作連環
鈎結相不教花片逐春風

蠟瓣紅

燁燁丹葩滴露濃蜜脾光暖惹遊蜂花神恐怕
偷香去故把芳心絳蠟封

紫霞杯

臨風翠袖立徘徊似捧流霞灑灑杯却憶當年
陶令宅花前幾度玉山頽

百花菴主見訪

一春高卧只垂簾說着浮名病又添聞道百花
菴可住他時容我讀華嚴

石倉十二代詩選

明次集卷五十三

歷代詩選

月易吾兼

次集卷五十三


十三

唐伯言詩
明林元詩



國家圖書館, NATIONAL CENTRAL LIBRARY, TAIWAN, R.O.C.

珍
藏
余
氏



石倉十二代詩選

明次集卷

海釣遺風

大明

山海衛
後學曹

舟中寄答諸相知先生

傷離懷故人無由一縮地和得相思詞殷勤附
驛使詞中何所云交好情難昧落日動客愁
風起遐思棹驚白鳥颺呀轉青山厠隔水有煙
蘿搖搖見蒼翠數日計行期流光若飛騎丈夫
不家食到處聊適意况有臨分語矢言遵所示

卽事

遙憶江南景寒梅冬著花上元柑飽穀穀雨茗
收芽此日聞邊雁迴風帶暮鴉歸山不輕出淨
寂似僧家

鎮東樓同陳司馬飲

登賞因逃暑吟哦幸遇君雨餘山水漲風細野
芳芬近渚鷗尋侶排空雁逐羣庾公千載後高
興許誰分

種竹

種竹西涯滿清風日在君故根依淨土新葉拂
晴雲簇簇龍孫長脩脩鳳吹聞我行頻欲過藉
此避塵埃

遊晉定寺次方伯周子建韻

坐閣殘經久興亡一夢中方塘澄水月曲澗響
松風禪悟三乘妙心虛萬法空我來幽興發吟
對晚霞紅

送鄭侍御坐失儀外補

十年持豸斧到處卽聲馳病骨峻層日天威戰

慄時朝參元自重聖澤本無涯暫借親民瘼無
煩歎別離

蔭秀亭

愛此園林好憑高眼界餘鯨聲吞海濶鶴迹印
沙虛午餉炊農飯晨興課子書天機自流動何
必詠鳶魚

圍春庄山居

過山庄便是十里路非遙白鶴鳴孤嶂清聲徹
九霄海翁閒弄釣野水暗通橋明月清風侶來

時不用邀

送劉信之分教雲陽

宮漏催殘欲曙天儒官辭闕向西川過家白髮
憐親老分教青衿得士賢舟出九江春見雁道
經三峽曉聞鶉吾鄉自昔多才俊師席聲華到
日邊

謁陵

百辭丹陛謁皇陵十里橋前盡却乘國祚萬年
綿大統鼎湖千載憶還升更催玉漏猶殘滴班

歷代詩選 明嘉文 三
列丹霄最上層祀事已終歸去急擬陳哀頌愧
非能

邀李西涯遊城西寺

曉日聯鑣出帝州西園名勝共君遊看花已覺
今非昨觀稼還知歲有秋果雜水盤高樹下酒
分磁甕小橋頭投壺對爽心俱適忘却人間別
有愁

次王守備韻

草亭新構絕塵侵雅稱將軍逸樂心能以文謨

資武畧頗令城市有山林秋清撫景詩頗詠公
暇娛情酒謾斟晚節更憐叢菊在西風吹綻滿
籬金

將至清泉懷諸相知

朱函寶冊下堯廷千里兼程水陸經避節塵氛
天外靜對船山色雨中青源泉去我餘三日瀚
海何人識二星尚憶昔年遊賞處一杯曾共醉
林垆

題竹

歷代詩選 山齋文 四
此地重逢挺節筠清風瀟灑最怡神十年濶別
渾如舊竟日相看不厭頻采采鳳鸞鳴盛世珊
瑚環珮下嚴宸歲寒有約期無負遲暮林間定
可親

示子孫

尋常拂拭舊琴星心賞音諧手未停郭外探春
花欲發庭前欺雪竹還青風回海釣機心息月
上山窗塵夢醒曉起教兒讀周易客來休問太
玄經

圍春莊雜感

三十年來涉宦途乞歸華髮半頭顱依山結屋
塵偏靜臨水觀魚興不孤野老崎嶇尋橡實林
僧談笑斷松腴離家幾作還家夢一夜團欒肉
骨俱

其二

六十九翁過洞仙杖藜渾不憚躋攀琴書携取
消晴畫水石憑將慰老顏閒把綸竿清瀨處醉
眠茅屋白雲間有時徒倚闌干立目斷孤鴻天

歷代詩選 明肅文 五
外還

南海

入夜潮聲十里聞，氣連霄漢自氤氳。
舟航吳越長風便，襟帶幽燕孔道分。
蛟在室中吞怪物，蜃成樓處見妖氛。
有時三島開晴霽，彷彿羣仙擁絳雲。

鎮東樓

城上危樓控朔庭，百蠻朝貢往來經。
八窗虛敞堪延月，重檻高寒可摘星。
風鼓怒濤驚海怪，雷

轟幽谷泣山靈。幾回浩笑掀髯坐，羌笛一聲天外聽。

述事用唐人早朝詩韻

春期已盡曉猶寒，吟徧羣峰獨倚欄。
桃種豈殊仙子宅，松封曾號大夫官。
日長人靜門重掩，雨過苔深徑不乾。
愛此山林真有癖，早投簪紱未曾難。

士常席上送乃兄士儀

東樓杯酒惜離羣，柳色春光日未分。
姜被劇談

中夜雨祖鞭遙指出關雲山城朔雁聯翩起野
店昏雞遠近聞邂逅別來相憶地醉歌終日任
熏熏

卽席贈士常

病後休聞久廢詩強開涓滴共相知也堪筋力
逢春健不爲盤飧竟日辭庭雀脫籠舒倦翼轍
鱗驚雨振枯鬢相看各有飛揚意醉解吳鉤贈
別離

卽席懷鳴治

風流不見謝臨川俊逸空慚李謫仙得句向人
誰可否論交于世幾方圓小車望斷幽花外短
屐行來古樹邊落日在庭猶擁篲不勝春思滿
離筵

元基席上再送士儀

離席因君薦木桃碧釭新酒瀉春濤詩盟遞結
東西社坐客平分上下曹簾動午風花氣暖几
當晴日篆煙高狂歌亦是驪駒曲三疊陽關意
未豪

遊廣恩寺

五粒松間一草亭四窗虛敞不須扃乾坤著此
容吾到江海逢人笑我醒寥落東林修淨社摩
準華表蝕殘銘杏花滿地飄紅雪到手深杯莫
放停

其二

慣客山童說果名又將幽事惱春情杏林百匝
尋竒句竹院三回說舊盟酒甕倒傾香不斷花
枝頓折意還生林鳩喚雨催行急敢爲田家惜

此聲

遊慈恩寺二首

十年曾記此中遊今日重來未白頭楊柳柴門
孤犬吠枯棹蔬圃一泉流行携野酌隨陰坐醉
聽溪童隔水謳城市絕憐丘壑地不須更問五
湖秋

海水周遭寺若浮忽驚人世有滄洲塔鈴晝語
諸天近石藉涼生五月秋鶴避茶煙歸別院燕
衝花雨度重樓酒酣不盡登臨興擊節聊爲馬

上謳

永光寺送大叅周子建

春風將解潞河水把酒分岐意未能山寺有僧
留夜榻野航無伴對寒燈江南芳草隨人綠海
上遙山隔樹層踏徧中原今萬里五雲高處看
飛騰

端溪研

千年山骨漱江流誰鑿端溪一片秋清潤每疑
含宿霧澄泓長似注寒湫玉堂有客憑揮翰油
幕何人待運籌因意通家王太史併將珠玉爲
君投

聽雨亭聯句

只尺知心念久違玉堂空負小盆池鳴階雨驟
留窗霽隔院香清許座移爲惜殘紅還擁蓋不
須浮白已成詩明年此會應無阻珍重高軒再
過之

晚榆堂聯句

吉日鳩工兆畧新旌麾忽過擁比隣敢云慶澤

流來遠莫厭公餘到此頗采采鳳鸞能接武飛
飛燕雀故依人吾家孫子休言隘玉宇瓊樓一
樣春

東樓聯句

臨池老肘揮柔翰點綴深慚墨與丹妙到鍾王
真未易飲兼文字古猶難谿雲過檻蛟龍近海
宇當樓眼界寬一曲清歌時送酒倩誰移入畫
圖看

過君山

萬丈水晶宮一點青螺濕雲暗鼎龍歸竹隨湘
女泣

老松

材大難爲用誰將此老悲空山獨高潔不怕雪
霜欺

小景雜咏

木脫青山下亭開翠水涯孤舟蕩雙槳何處訪
相知

碧樹俯清流高人愛獨坐讀罷發長吟不知斜

日墮

春思日無涯春園景最賒蜻蛚緣底事飛上海棠花

送劉令次陸鼎儀韻

黃金臺上暮雲層惆悵無媒欠一登暫斂聲光歸舊洞綠蘿陰底看陽冰

圍春堂雜興

數椽茅屋薜蘿深卧聽樵歌自遠林罷却琴書閒却釣不知何處有機心

采采黃花滿徑深蕭蕭紅葉滿秋林無端此日相思處千里書來一寸心

墨香亭

白雲司遠望中深瑟瑟秋風奏晚林惆悵關門吟賞處滿籬黃菊故人心

題鄭時暉繡衣畫梅和張東海武選韻

清夜珊珊響珮瑤羅浮夢斷酒初消美人何處遊仙去獨有遺容傍野橋

遊武夷九曲和朱公先正韻

九曲仙蹤護百靈仙童時弄玉簫清輕搖畫舫
尋真去時聽飛泉漱玉聲

晴日曛曛薄暮開九灣新漲碧澗回山靈莫道
茲遊晚還許春風鼓柁來

蕭顯字文明山海衛人成化壬辰進士授兵
科給事中有武臣連中貴張大邊功欲邀厚
賞公取其奏批駁之直聲大振又上疏陳時
弊斥神奸左道語尤激切一旦忽 命中貴
召至左順門面詰之公隨事應答語意詳明

乃蒙慰遣在職八年 內旨傳陞外任所司
擬隴州同知不報仍與遠地旋改鎮寧

孝宗紀年量移衢州府同知晉福建按察司僉
事致仕歸築圍春山堂以吟詠自適徐穆爲
之記年七十八而終公初號履朴晚乃更爲
海鈞云

附 賀欽 字克恭廣寧衛人

戲贈友人張解州

平生少陵詩先生嗜之極方其得意時寧知有

六籍吟哦固所愛句語肯輕擲未合此格調終年不下筆章成特示人蒼古多弗識朋儕無賞音撫簡自歎息懲此謝詩壇酒量空無敵我言揚子雲太玄終不匿今晦後應顯勸君無固必

自警

我生幸為儒者流放心日夜胡能收聖域不遠去千里我田既荒安有秋適國迷途不知返作室無基良可憂年過半百尚如此轉眼光陰成白頭

何成

凌之澣今一竿竹水洋洋今山齷齷青瑣歸來三十秋閒雲野鳥相追逐日長午困憇茅軒聲利無關心自足終身得此復何求一任書香兒輩續

和答董桂岩同年

謝病歸來已十霜閒中養就野夫狂每尋瑤草和成藥自剪青荷製作裳幾曲枯桐秋月白一竿脩竹暮煙蒼鏡湖原是吾家水還擬扁舟泛

渺茫

述懷

壯歲辭青瑣還山坐白雲
天時看代謝世事斷
知聞菽水奉慈母詩書教後昆
未能忘鄙陋嘗
獻野人芹

讀書

清晨起坐小茅堂萬事無關一炷香
展卷細觀前聖奧馳名敢學世人狂
也知老病年光促爭柰詩書意味長
但願桑榆粗有得肯隨流俗歎

斜陽

和番禺守愚丘先生韻

聲到沈疴幸已瘳
煙霞痼疾豈須憂
非關避世矜高節
自是庄時乏遠猷
瑣闥兩年空竊祿
雲山十載免包羞
管寧本是遼東客
不願重過五鳳樓

古澄丁聲遠來訪賦一律見遺因和二首

大學陳東天下知
抗章不怕竹當時
折腰彭澤成何事
回首閭山有所思
軒外孤松全晚節
宅

邊五柳散春絲歸來還是忘機客傳語沙鷗莫浪疑

曾見多人說舊知幾人能保歲寒時感君千里來相訪慰我終年病裏思元伯歡呼具雞黍鍾期靜聽鼓鸞絲連牀幾夜無他語析盡羣經有宿疑

寄邵文明大尹

鄉書曾得共推賢金牘題名子更先大尹有才還解組鎖闥無補早歸田利名風浪都無與泉石膏肓獨致偏同在故園不相見閩山遠水思惘然

傳彥明昆仲久客維揚詩以寄之

山人寄語三公子便買歸舟莫更留南國可知春似錦高堂無柰雪盈頭黃金滿載皆由命白手還家豈足羞兄弟師生分非淺詩成四韻淚雙流

與友人宴小莊

瑣闥無堪早退藏衰年幸得病軀康分曹校射

依芳樹對景開樽樂小莊休言席上杯盤惡且
喜壺中歲月長况是吾人俱白首更憂何事不
徜徉

和韻喜陳本仁相訪

昔時與子共談經情分相投北斗城別我十年
身已達聽君一律句尤清幽居忽訝高軒過多
病深慚倒屣迎况遇故人丁大尹連牀同與話
平生

再和番易守愚先生韻

白雲堆裏得安身名利無干遠世塵靜把簡編
窺徃哲恒將菽水奉慈親江山秀麗詩懷壯窗
戶清幽瑟調新幸有此般閒樂事任他人醉五
陵春

溪上茅亭和士諂

釣臺高處小茅堂退士登臨歲月長假寐不爲
黃閣夢無營還笑白雲庄清風明月何須買綠
水青山自可常三十年來無外事此心贏得不
炎涼

歷代詩選 題退休卷

五十年來早退休三邊賢達子爲頭題詩每上
春山寺載酒頻登夜月樓釣艇有時江上泛兵
書盡日篋中收常憐李廣非知命抵死何曾到
列侯

偶成

年老睡還少夜長醒更多土床煙火足跌坐默
吟哦

水亭涼

先生坐水亭三伏不知暑多少熱中人安得此
閒處

小橋吟

橋下寒塘淨橋邊風物清倚欄閒得句不入俗
人情

花圃

種得四時花終年香不絕有暇輒開樽何必逢
佳節

晴樓

歷代詩選 明倫彙編 禮典典考 三百五
高樓時一上眼界濶無涯望入遠天去悽然有
所思

扇上釣魚圖

江上釣魚翁不識家何處我恨凌溪來安得與
君住

又

倚杖看閭山垂綸釣凌水山頭宿霧開水面清
風起

題書

雲湧青山動橋橫碧澗斜幽人無俗事拄杖去
看花

人有以命狀呈者書一絕于後

一卧雲山三十年飢殮糲飯渴清泉此生自信
能知命莫把行藏更問仙

寄大尹邵文明

長官辭縣賦歸來獨愛幽花手自栽何日一樽
同笑傲東籬飽看帶霜開

挽同年羅一峰

二十年前同及第數千里外歎離羣誰知竟作
終天訣空對丹青泣暮雲

蕭文明書寄光風大字有作

故人手寫光風字遠託征鴻寄草堂鐵畫銀鈎
且休論高情雅意詎能當

伯初過訪留飲賦詩

退士卧聽傳呼聲驚起倒屣門前迎故人久別
喜會面賦詩酌酒心相傾

人有求薦舉者題其書後

半生榮辱斷知聞遠處茅堂伴白雲何事利名
場裏客却將書札撓幽人

簡鄉親

携壺欲就名園賞借問如今春淺深但得紅芳
飛未盡便來枝下聽鳴禽

題晚菊

豈必滿頭方足樂略教經眼便堪奇如何不對
重陽酒寂莫經旬見此枝

魚磯偶成

何人笑我上漁磯本是窮荒一竹枝縱然有節
中無物怪底長江舉釣絲

題萬佛堂壁

雲端石洞可棲身水遶山圍賸得春傳語高僧
休厭客西林曾寓著書人

賞花有跋

落盡羣芳枝已空遊人往往怨東風誰知寂寞
幽園裏猶着楸花一樹紅

賀欽字克恭廣寧後屯衛人成化丙戌進士

授戶科給事中大早上章修德弭災宜以實
心行實政勿事虛文不報因移疾歸少讀書
鑿無間山之光明谷因號鑿間山人公生平
潛心理學與陳白沙羅一峰雅稱同志雖數
千里若一堂焉海內目爲鑿間先生



石倉十二代詩選

明次集卷五十四



國家圖書館, NATIONAL CENTRAL LIBRARY, TAIWAN, R.O.C.

古今圖書集成
博物彙編
藝術典
三百六十五



石倉十二代詩選

明次集卷五十五

清流葉元玉著

古厓集

大明

後學曹學佺閱

中秋與同寅團亭賞月

八月忽又半諸公集此亭此亭幽且邃貯月不用扇娟娟一輪滿碾破秋天清天空淨如洗點翳無留停有酒多且旨有殺椒斯馨有客况骨肉言笑俱忘形酒酣各賦詩琳琅響中庭光燄不可秘翻恐勞天丁人生類萍梗南北隨飄零

去去看月伴落落如辰星今夕復何夕不飲空
自醒夜深涼露下月側窺疎櫺人散天宇濶西
風吹鶴翎

潮州喜雪

潮海本炎方隆冬天反熱豈無百歲人到老不
見雪胡爲癸亥冬朔風偏冷冽臘月念一二雪
片如箒結氣候誰轉移到此方發洩撒鹽安可
擬飛絮亦強說梅花減顏色越犬吠聲切老夫
喜欲狂舞蹈幾失跌匪作兒女態幸爲豐年決

農夫拍手笑穉子開口齧螟蟲種自斃安得復
作孽明當大有年禾黍壓丘垤民食旣已足貢
賦自罔缺道路不拾遺外戶何用閉熙熙復皞
皞人和天亦悅對雪賦此詩太平好時節

哭老子

六十得一兒命名曰老子頭大趾亦方眉秀目
頗美唇齒紅且白髮脚垂兩耳肌膚更堅實神
色一秋水憶昔學行時匪跌卽跛倚脚根一有
力疾走竟不止出入有所見歷歷用手指有時

月不言過
率我衣一步一回視及其漸學語小鳥鳴花裏
舌尖澀且艱句句帶渣滓一朝語忽明輕清真
可喜飽熟叫我食天明呼我起客來方揖罷報
我幾倒屣張拱學侍立差可成人比見我看書
時拉取憑小几而也而也誦指字直到底有時
見作書彼則強索紙把筆信糊塗殆若歸鴉比
歲時或祀先我聽彼亦聽我口方致詞彼口亦
云爾老夫見乖覺自慶得蘭茝夫何香不永遽
逐蕭艾死爾死我何堪哭聲徹閭里坐卧欲發
在動作自委靡有時夢中見血淚流未已

玉山發舟

玉山河水落出岍石齒齒小舟費推移一步如
一里跌坐矮篷下低頭不敢起明日且肩輿從
容看山水

一笑軒爲潮州陸高士作

結軒在東臯而無車馬馳俯仰天地寬何物能
羈縻此中有真趣難與俗子知萬事付一笑何
用勞心思

厓翁亭爲前人作

古厓慕高士駕車到竹林清論正有趣薄言日
西沈子今構斯亭人豈識子心子有無絃琴舍
我誰知音

姑蘇懷古

吳王宮中草芊芊西施今去幾千年胥門江水
流不歇虎丘山色還依然我來江上一懷古前
代興亡難盡數月明獨自倚孤篷疎雨沈沈夜
當午

洋河曲

西風吹洋河北風吹洋河風水相激如鳴珂少
年已有四方志今日果向窮邊過我有千里驥
可以空駱駝我有雙龍劍當爲斬鼉鼉江山風
景自殊異肯把雙淚徒洩滄韓范亦是書生輩
豈必一一親揮戈

通州秋夜與進士馮子佩言別

分館幸比隣情緣道義親可憐今夕酒俱是異
鄉人砧急驚秋老窗虛見月新人生不百歲况

歷代詩選
乃別離頻

送同寅楊秀夫使涼州

使節指涼州都門八月秋風沙迷塞雁刁斗接
邊樓料理君餘事憑陵虜伐謀歸朝告天子功
業鼎彝收

書懷

客中羞對鏡老去動悲驚白髮雖公道流光也
薄情名虛何足尚命拙不須評無恨心頭事良
工寫不成

端午請賴益謙不至詩以扣之

異國萍逢跡憐君寄栢林風光端午日故舊百
年心盃泛菖蒲玉盤堆角黍金盃問君何故者只
尺不相尋

次赤城奉寄諸寅長

驅馳窮北地却是極南人自誓勞王事誰能顧
此身風沙時帶惡醜虜日爲隣若問歸時候長
安三月春

同寅李獻吉西齋落成次韻

清論西軒裏相忘白晝長鳥聲隨樹轉燕口帶
泥香酒盡詩留壁窗虛月滿牀君家好兄弟何
地不傳芳

送節推曾良忠之蒼梧

天涯岐路別何處是蒼梧梅嶺蠻煙淨藤江月
色孤獄清閑狴犴波靜息天吳莫歎炎方遠乾
坤亦版圖

挽卷爲古田鄭先生作

萬里天涯客歸奔亦可憐摩挲新淚眼指點舊

山川狐兔眠孤塚音容隔九泉如何江樹上夜
夜有啼鵲

舟中偶成

客途逢四月歸艇破江煙行柳青隨路孤蟾白
滿川滄波雙眼裏往事一燈前愛酒酬佳節囊
中少俸錢

春日飲李壽州家席上作

春日開春酒主賓共酌之三人俱老境一會是
佳期明歲知誰健浮生亦可悲此時如不飲桃

李笑人痴

金臺送賴公弼之臨桂

倒盡江頭碧玉卮醉來旋賦送行詩
蘇湖事業歸能者臨桂生徒得好師
吾道自知如此重儒官誰謂果然卑
鄉情正與離情合况值西風九月時

挽三山強克謙太守

瓜州人去馬蕭蕭計到金臺淚欲飄
銅虎有符猶未合玉樓無言已招典
刑缺失鄉邦瘁賢

哲凋零士氣消老眼摩挲向南望
海天空濶正寥寥

酬伍時清過譽小兒

五色湘雲半幅裁塵襟病眼一時開
情如江上初生水清逼窗前旋放梅
老拙愧無經世學豚兒安有過人才
昨宵賴得東風力吹醒寒爐欲死灰

太平別業爲楊恒叔乃尊題

萬樹甘棠手自栽拂衣高卧故山隈
白雲深護

歷代詩選 卷五 三
三間屋小徑斜通幾樹梅花下看書紅點句月中呼酒白浮杯城東車馬多如許誰解飄然到此來

京中送舉人劉汝敬省母

轉眼南宮較藝時匆匆何事負佳期芙蓉不怨
開花晚烏烏寧忘及哺私淚被天風吹作雨愁
因柳路織成絲我心亦似君心切况在天涯賦
此詩

次楊恒叔無題原倡倒用李商隱韻

覆雨翻雲少定踪寸心空繫景陽鐘只緣路有
雲霄隔豈是天無雨露濃秋水簾深浮翡翠西
風帳小冷芙蓉可憐半夜相思夢不到君門第
九重

桐廬會鄉同年陳大尹

同榜題名二十年東西踪跡兩茫然桐江幸與
先生會花縣爭傳大尹賢豺虎聞風咸斂迹荒
蕪得雨盡成田朝家正有旌賢詔薦疏行看到
日邊

送吾閩薛助教移官南監養母

萬里慈闈江水南孤兒雲望思何堪官居國學
曾無幾疏述烏情已再三紫陌風埃歸裏淨白
魚春浪夢中甘不知溫越何爲者地下聞風也
合慚

揚州贈別薛助教先生

千里同舟一月寬維揚此別兩情難蓬窗明日
不相見杯酒今朝休放乾綵服羨君堂下舞白
雲嗟我客邊看鍾山山色濃如許盡屬清閒自

在官

建寧滕侍御招遊南郭草亭

舟繫西城河岍側人遊南郭草亭中歌聲到耳
鳥呼雨春色過橋花逐風命酒賦詩良會合憂
君愛國此心同清時莫作巢山計早策花間御
史廳

重遊東華

山色層層翠欲流乘風獨上萬峰頭花當二月
已如此人過十年纔一遊地僻便知爲太古民

淳還幸際西周怪來眼界無留礙北望長安是
帝州

謝南雄林太守郊餞

先生餞我七松堂風送松花入酒觴四海幸逢
真骨肉百蠻應識遠冠裳歌成喜有清風在醉
後何妨古道長欲謝次公慚不盡便須揮翰寫
甘棠

次萬全右衛察院題壁

見說立春三日了春光不見半分來黃沙磧裏

風猶冷青柳梢頭眼未開舊事每于心上簡新
詩旋向筆端裁行行又記江南好春酒初醒喚
野梅

次李家庄

雲州東下李家庄草色遙連日色黃千里風沙
凋客髮一天刁斗碎人腸羯胡馬健多侵擾守
將謀疎少奮揚傳語朔方大元帥好將忠勇激
戎行

使天津舟中漫興

嫋嫋東風入髮絲
奚奴隨處可收詩
江山好景誰爭得
花鳥深愁我獨知
老去不須營世計
病來祇合問良醫
俸錢買得溪翁酒
醉倒篷窗也不知

通州重九日送何德彰回部馬上口占

離觴擲下馬頭回
猶有殘醺映老腮
門向夕陽多半掩
菊當佳節已全開
送人每怕搜詩句
排悶應難費酒杯
明歲今朝我何處
不堪搔首一興哀

通州會汴梁和舉子人于李獻吉官舍次

鳩字韻

天涯何幸識荊州
高興真同汗漫遊
滿甕松花春釀酒
一簾燈火夜登樓
吟肩矻矻詩攻瘦
花影沈沈月上稠
回首古今俱是夢
笑他機巧不如鳩

次韻遊寶通寺

詰朝載酒寶通寺
食盒春粢但小裝
千里春風傷髮雪
十年塵夢愧松篁
綠陰屈指無三月
白

日題詩共一堂醉後浩歌還起舞不妨人笑老夫狂

獻吉席上分韻得銀字

民曹水部兩同心總是斯文異姓親百歲幾遭
文子飲一官深厭簿書塵風翻槐影簾紋碎雨
洗苔斑石縫新笑殺坐中誰更老古厓雙鬢半
如銀

獻吉官舍夜餞左國璣聯句送之

高館深杯賦別詩小窗微雨夜燈時對牀骨肉

應憐老喬木家聲更屬誰綠柳曉分燕趙路碧
梧秋待鳳皇枝鄉書有雁還須寄記取樽前兩
故知

偕獻吉自京回通馬上聯句

靄靄林光雨霽初乾坤着眼一塵無歸雲渡水
春涵影醉面便風曉出都乳燕教雛嬌欲墮遠
山當馬翠如扶十年來去通州路慚愧山間破
衲徒

舟中寄李獻吉

歷代詩選

明葉廷璽

次集卷五五

上

春

美人愛我慙且直我愛美人才出羣團亭把手
議政事西齋剪燭論詩文割雞呼酒對山月擲
鼓放舟看水雲百年知己那復得海角天涯遙
憶君

題雙忠祠

張許祠堂何處是大忠西畔郭門東自從孤壘
支強虜誰不低頭拜下風身死唐家當日節力
扶元氣萬年功不須再讀前朝史詩筆年來仗
至公

春日寫懷與陸高士

茅菴竹徑未相尋忽忽殘紅又綠陰處世浪爲
千歲計看花深負一春心只緣未悟藏蕉鹿豈
是慳揮當酒金自笑山林緣分薄幾番翹首付
長吟

潮州寄致仕雷大尹

兩年分手各西東咫尺天涯萬里同有酒也孤
秋月白無詩空對夜燈紅簿書俗吏塵埃裏恬
退高人畎畝中我愛西山亭子好也應相伴醉

東風

次莆田陳先生韻

半是池亭半釣臺
人襟抱灑然開
知還倦鳥投林去
適意潛魚入渚來
數畝石田堪種稻
半山茅地也生材
興來自有天成句
不用工夫細剪裁

次韻復潮陽柯二守

麾出潮州四五秋
不才無補合歸休
西山別業雲千頃
浮世流光歲一周
天地有情容我老
海

山無分伴君遊韓
祠歲月憑誰記
讀到新詩淚欲流

雨中端午有感次伍天錫韻

采蒲舉艾兩休休
五月天時似早秋
白石有人呼節酒
汨羅無客棹孤舟
浮雲蔽日山川暗
淫雨漫天草木愁
對節感時心不了
幾番回首愧沙鷗

漫書

病裏思前事
分明一夢中
而今知是夢
却恨已

成翁

風花

惡風吹好花花猶抱故枝畢竟被吹落還有重
開時

雜興

眼前風景不須賒月色平分入我家最是可人
清絕處一枝梅影上窗紗

閨怨

小窗睡起覺衣鬆怪底幽情似酒濃立盡斜陽

人不見目隨征雁到迴峰

爲人題便面

杖藜信步過橋東幾片飛花隔柳紅指點前頭
更清致遙山一抹淡煙中

曲江孔先生招飲

十年不見先生面目斷嶺南山萬重今日曲江
江上見不妨樽酒對芙蓉

弘治六年九月本部奏差宣府沿邊清理

草束重九日出京次榆河驛

皇華使節駐榆河下馬令人感慨多
獨坐夜窗
渾不寐一鈎明月挂煙蘿

次鷄鳴驛見菊

傳舍清幽地步寬
晨炊未熟且凭欄
秋花不改
真顏色留待天朝使者看

次龍門衛

龍門關外龍門衛
元是紛紛狡兔場
今日草枯
胡馬瘦將軍穩卧綠沈鎗

馬營日暖

愛日當空暖氣回
與君金馬笑顏開
如何萬里
龍沙積轉得南方氣候來

獨石道中遇雪

歷徧窮邊萬仞山
南人底耐北風寒
雪花似與人相識
故故飛來撲馬鞍

次高郵湖

湖水漫漫無畔岼
風波日日有人行
輸他林下
幽棲客閒看梅花破雪清

漁家樂

高笋芽長魚正肥漁郎搖櫂賣魚歸得錢便買
溪翁酒醉卧蓬窗自落暉

李國賓惠茶携至蘭溪烹之甚佳

白石橋邊自摘茶故人持贈意無涯今朝烹入
蘭谿水喜有清風入肺家

揭陽道中

一年一度此行春深愧無恩及楚人也有一端
堪自解滿田清水稻花新

太守行春到揭陽村村男女事耕桑道旁埜老

無拘束笑指官家馬足忙

月夜聞琵琶聲有感

悲悲切切復淒淒况是昭君怨哀詞安得西風
加着力一宵吹送漢宮知

聽鶯

老鳳雖離霄漢中羣聲自是不相同新鶯莫訝
偏饒舌啼到春歸句未工

古厓先生葉元玉成化辛丑進士爲戶部郎
時與李獻吉鄭繼之以文字交出領潮州守

歷代詩選 卷之三
強毅舉職中讒而歸潮人以前太守韋菴王
公後古厓葉公爲兩賢云公集李貞夫鄭繼
之俱有序



石倉十二代詩選

明次集卷五十六

竹田集

大明

長樂林廷選著
後學曹學佺閱

庚子秋予將赴春官友人王朝紀出扇間
梅索題賦以寓別

江南佳實登廟廊托根暫向桃李場包涵元氣
百萬斛散作大地先春香往時卧雪逢窻底踈
影橫斜上窗紙開窗疑是故人來相思咫尺如
千里一枝曾寄重南金相期不改歲寒心
搗來

披拂丹霄路倍憶清標與神遇山林聚首重有
期人意花香只如故樽酒花前慰別情翠禽聲
底月三更長安春物遙相待預訂星溪鷗鷺盟
長安步月歌東同年郭仲升暨林利用利

芳昆仲

辛丑孟秋望前日淫雨開晴月初出玉堂公子
難弟兄見月呼邀話鄉邑郭君有道况同年相
逢逸氣俱飄然劇談愛月不忍散褰衣步近龍
樓前龍樓倚空全受月十二雲梯高突兀散影

長安白玉街流輝漢代黃金闕俄聞玉漏傳初
箭宮柳梢頭月行漸秋風次第折天香嫦娥猶
識書生面相隨遲遲如有情壯心對影還自驚
去秋見月閩山下今宵見月長安城浮生安得
長相遇惟有月明一窠宇他年宦轍各東西見
月還思舊遊處

送寅長劉汝器子景還家

畫舫超宗別黃堂謝鳳愁幾年孫戶閉一旦暮
宮遊棘寺乘龍日京闈擢桂秋捷音須早寄天

瀾雁悠悠

除夕寫懷呈邵錫之通守

吏散黃堂靜惟聞爆竹聲一宵寅卯歲兩地別
離情懶怕官常責貧添夢寐清壯吟悲往事知
已費推賡

吳江舟中述懷

放權入吳江瞻雲思欲狂親闈雙雪鬢宦海一
風檣理郡知無術憂民若有傷微吟笑今古漁
唱起滄浪

舟次錢塘寫懷

高堂違色養薄宦滯功名幾載歸闈夢今朝到
越程山環晴見喜濤怒夜聞驚此際倚闈望應
思中路征

哭表兄鄭孔善

未獻河東賦先爲泉下行事姑如奉母養弟莫
過兄聞訃千山隔招魂萬古情空階明月夜疑
聽誦詩聲

憩袁州宣風鎮公館

歷代詩選 明末竹日 三
孤館萍鄉路寥寥稱客情鳥聲喧日午山色蕩
春晴不飲愁偏積無言意自生西巡尚千里極
目瘴煙清

別李伯起二首

會面悲分手瓜期瞬息過一宵增感慨萬事已
蹉跎極目懸秦望長吟入楚歌太微精曜在長
燭桂山蘿

逆境安身藥榮名賈禰媒君恩深雨露吾道有
臺萊洗耳空明洞披襟獨秀臺桂枝深出地何

處不掄才

是秋子在
廣西應試

休衙口占

觀察承宣重非才屢拜加四年三易省十夢九
歸家丹筆生心火清霜點髮華休衙看明月初
上紫薇花

尚達齋招飲狀元峰

一望窮千里高登鼇頂峰海門東際澗山勢壯
來重雞犬蓬瀛近煙霞梵剎逢出雲紅日在老
眼更從容

過仙霞關東林應瑞同行八韻

何年窮地軸此路接天梯
南北江湖遠高深象
緯齊雲腥龍出洞苔破鹿行谿
野渡無人問荒
林有鳥啼杏花村不見茅店月空樓
午憩臨飛
瀑宵征聽早雞帝闈塵外杳鄉國望中迷
一笑
逢知己風煙謾品題

對策

袞冕臨軒物象熙周家多士集彤墀
才非賈誼
寧須哭直似劉蕡亦受知天祿雲煙浮筆硯蓬

萊日月麗旌旗敢云身在層霄上
忘却燈窗昔
下帷

桂林行臺四山皆几席間清奇峭拔名重
天下誠不誣也民事多艱不遂登眺
瓜
期得代對景惘然

桂山奇峭世間無日日當窗見畫圖
排去離愁
忘歲月助來吟興徧江湖空崑花木青黃間
疊
石莓苔紫翠腴也被山靈嘲我俗寧拚半晝
狎
樵夫

賜宴

詔下蓬萊第一宮瓊林與宴九州同入屑體酒
流霞紫壓帽宮花借杏紅自是明良千載遇勿
虛圖報寸心忠醉歸還向長安道燈火笙歌玉
駱驄

延平別葉廷璽兼呈張伯章黃守正時同
年同外補伯章南海守正揭陽廷璽高
安予則高安也

宦遊南北歎飄蓬回首君門亦幾重勝會瓊林
三日宴離愁劍浦五更鍾予慚處斷非蘇頌子
去循良繼魯恭臺諫于今多外補暫時分手復
相從

送常山尹余宗美考績之行

夫子襟懷瑩雪霜洵宜政事與文章鳴琴已協
陽春調飛馬行依日月光花縣民思今召父杏
園人識舊仙郎朝陽正爾梧桐盛枳棘焉能滯
鳳皇

北上期郭秀水不至

歷代詩選

明林竹石

次集卷五十六

六

丙

歷代詩選 明林竹石
聞君行旆住蘇臺我亦楓橋祖帳開秋色滿江
將我去煙波何地覓君來湖山孤負詩千首風
月深憐酒一杯欲待仙舟話疇昔雲泥隔面不
勝哀

詠金山寺

天塹中分十里流僧房長挹海門秋無人
不道金山好有客重留玉帶不龍出曉堂雲未散
麝沈香壑氣常浮題詩先付中冷水待我登臨酌
滿甌

進表朝下口占用李邵伯贈行韻

江湖三載憶長安此日應憐會遇難玉帛萬方
朝闕下紫微中夜現雲端歡呼壽祝乾坤久錫
賚恩涵雨露寬歸到掖門煙樹裏乳鴉啼斷曉
霜寒

用前韻擬送秋官林待用謫滇南

緘默場中獨犯顏滇池萬里肯辭難雷州司戶
嘲誇大潮郡昌黎學輓瀾觸目炎涼隨地遣到
頭夷險且懷寬碧桃紅杏沾天日松栢風光耐

歷代詩選 明林竹石 二首七
歲寒

遊金山寺不果

幾度經過憶勝遊，風波世事阻扁舟。
山當下上江心處，水望東南天盡頭。
玉鏡臺前看寶髻，芙蓉葉下卧龍虬。
昨宵夢得麻姑信，海外于今只九洲。

寓武進呈二教陳孟廣先輩

鵬搏早擊海門秋，偶失東隅志未休。
傾蓋滿斟燕市酒，之官同買潞河舟。
江山得句時賡唱，雪

水烹茶日獻酬，此別悠悠已三載。
相逢不覺話綢繆。

賡嘉定二教林克清見寄

光華上國展初觀，野水晴山柰別難。
宦海偏逢鄉曲好，黃堂祇似泮宮寒。
詩將寫景腸猶澀，酒欲開懷量未寬。
一歲相過無兩度，清風明月付誰看。

寄杭州別駕邵錫之

萍梗相逢聚一堂，清忠相許鬢毛蒼。
仙舟待醉

歷代詩選 明倫彙編 家範典 孝行典 卷之九
梅江月驛騎常馳荻渡霜曾學少年忘戲謔誰
知中路轉參商贈行愧乏陽關曲越水吳山思
渺茫

迎養

慈親六十八春秋三載堂前只夢遊瞻舍孤雲
常在目懷兒白雪易盈頭小孫可伴板輿戲薄
俸聊充菽水羞閩海吳江天咫尺東風期買芋
原舟

以公事之京口周李二同寅遠餞

京口姑蘇不日程畫船湘席欸離情謾驚異客
如萍水且喜同僚卽弟兄竹寺覓茶消醉渴野
僧呼酒解餘醒夕陽孤棹龍山渚南望長吟愧
報瓊

錫山舟中呈同年呂宜中期遊龍山惠泉
不果

兩岬垂楊覆畫船相看况復有同年眼前山水
詩題徧江上風花酒興牽鳥解人情嚙溪樹棹
歌漁樂隔汀煙龍峰笑我塵纓者何日能閒酌

惠泉

舟次宜興有懷

一棹朝常暮至宜萍蓬蹤跡本無期太湖東望
如彭蠡陽羨西瞻似武夷柳色纔勻鶯囀候蘆
芽猶短雁歸時思鄉日日愁腸斷消遣惟憑四
韻詩

溧陽道中

陽羨纔過又溧陽郊墟桃李似蘇常金陵地近
雲霄上天目山高牛斗旁積雨空林歸杜宇小

溪新水浴鴛鴦五年前是春明客今日江湖歎
野航

丹陽道中

踈篠垂楊蔭古河江南風景復如何潮通天塹
傷前事路入金陵憶舊過茅屋曉發煙火少石
梁宵泊虎狼多推篷起坐觀星斗擊楫長吁歎
浩歌

登釣臺

門蘿踏破半空雲吳越低垂杳靄濱物外煙霞

歷代詩選 明本竹日 一百三十一
有真意人間岐路自浮塵客星天澹龍歸遠夜
月江空鶴唳頻篙子不關今古事一帆風正促
前津

余友王朝紀家多荔枝茲歸過期懸想有
作

三槐堂後荔枝叢六月纍纍青間紅摘浸盆池
松澗水乘餘石榻竹間風別來幾載天涯想歸
去將秋樹底空勝畫官家多後熟東君留待意
無窮

蘭溪夜泊

懸枕青山驛傍溪繁華不讓浙東西高林樓閣
畫圖出繞郭峰巒屏障低相燭迎春金字帖香
醪過夏甕頭泥泊舟不寐思鄉里坐聽灘聲與
鳥啼

次衢州寄余常山

宦海睽離亦幾年浮雲流水兩茫然獨憐鮑叔
偏知我誰念中牟尚滯賢明月野航千里夢清
風高館一魚懸相望咫尺猶憑雁寄取江東渭

歷代詩選
北聯

明水竹口

二首

喜過衢州

思歸常恨翼無雙
舟過三衢思已降
脩竹鶯聲來半枕
亂峰雲氣入朝窗
山行五日甌閩地
水歷千灘長樂江
江上故人畱話舊
白魚香稻酒盈缸

登虎丘千頃雲和聶大年韻

風日清時憩此亭
吟眸望入碧雲屏
金精旣散虎文炳
劔水空藏龍氣腥
張祐集中詩寡和
生

公臺下法誰聽
凭欄不盡登臨興
獨喜桑麻四野青

建溪舟中

山行牢落憶舟棲
水澗程脩意轉迷
亂石激流溪曲折
開雲橫嶺樹高低
月斜篷竹踈螢度
風靜沙汀獨鳥啼
卧看星河占夜徹
更無茅店一聲雞

泊水口

黃田南下刺歸航
江水無聲石不剛
偶語鄉人

歷代詩選

明水竹口

次集卷五六

七

四

情自洽乍看榕樹蔭偏長山花有意當杯落沙
鳥如知笑客乍望隔家林三百里夢魂前夜遶
高堂

竹崎阻風

千里江湖渺歸興須臾風雨滯還期山林燕雀
啁啾裏舟楫魚龍出沒時泊岸行吟長歎息倚
閭顛望更驚疑此時無酒消詩渴遙指雲林買
荔枝

遊西峰別月峰上人

幾載懷山今晝遊老僧相見意綢繆獨迎翠竹
雲邊路共聽寒松石上流柏子飄風來客坐桂
花分露入茶甌宦情未入道情減祇使東林猿
鶴愁

中秋夜舟次延平對月有感

萬里無雲月滿天平分秋景自年年人言難得
此時霽客意偏驚今夜圓光攬故山慈母夢影
搖官舍小兒憐寸心兩地愁無計坐聽城鐘起
曙煙

述閒

忙時偶爾習閒身懶泊城濠去問津一日無詩
難脫俗通宵不寐爲懷人船頭水淨胡僧眼雲
外山含西子顰弄水看山成癖處因悲案牘久
勞神

壽母

初度年年菊正黃預傾仙醞獻高堂常時夢裏
驚衰老今日樽前喜壽康七十人生能有幾三
千里外不遑將由來令德宜遐福還見滄溟徧

植桑

還山東諸故人

自離猿鶴寄魚箋不到林塘已五年眼見青松
長出澗手移紅藕盛開蓮良朋爭載山中酒俗
客招營郭下田一日得閒思暢飲白頭闕里幾
人還

疏池

數畝荒塘草閣東疏時恰與我相逢新涵坊畧
重重影舊映雲林面面峰蓮白池中穿作藕魚

因雨後化爲龍捐軀莫報 君恩重還負垂綸
倚水松

遊建寧西觀贈碧虛道人

垂簾踪跡混沈冥偶話鄉塵亦細聽龜伏藥畦
機已悟鶴驚松露夢初醒呼童拾栗供茶果索
我題詩記竹亭解道宦情隨處好古今濃淡付
空青

懷窩友張孟父

劍氣藏山未出銛青燈夜雨共蠶盞笑談喜見
波千頃別夢愁分月半簾江遠天邊孤嶼小雪
深門外數峰尖陽春欲和頻須寄白雁江鱗久
已淹

哭外舅

千里間關訂會期別來那擬死生悲危樓明月
闌山影老圃清霜舊菊枝坦腹愧非王氏子招
魂哀寄楚人辭昨宵舟泊澄潭下白髮蒼顏入
夢思

偶成

四面嵐光映日遲，扁舟雨過上灘危。
青山日看偏能畫，白鶴來時未可騎。
遣病學調囊裏藥，消閒自算局中碁。
南還北去如萍梗，却羨林鴉戀故枝。

茶洋別行人何繼善同迺弟繼周之任

聚散真成水上萍，沙頭立馬望雙旌。
皇華載喜兼常隸，伐木那堪續渭城。
幾處梅花寒臘盡，數程桑梓暮雲橫。
一觴且醉車傍酒，桂嶺燕都萬里情。

除夜宿建安行臺與同寅滕吉甫同年楊

恒叔話別

桑梓未離千里遠，年華又逐一宵除。
客心滴碎燈前雨，鄉夢啼殘柝上烏。
終古功名垂宇宙，半生踪跡徧江湖。
多君二仲能相慰，醉和陽關擊唾壺。

宿武夷宮

道士李常春同邑人也

踏月呼開竹下扉，羽人云是舊令威。
茗煎龍井殘年雪，蔬摘獅峰絕頂薇。
身在十洲遺世累，夢

歷代詩選 卷之六 三首
遊九曲挾仙飛洞門忽報金雞唱催上青驄度
翠微

進賢道中有懷

停車徙倚倦逢迎去路悠悠趨曉晴
霜滑危橋驚馬足月明孤枕候雞聲
絲綸簡付今時邁耳目叨居古裏行
知己相逢重相祝風霜臺上務寬平

衡陽月雨至祁陽宿山舖口占

衡陽纔過又祁陽馬首山花不斷香
吏徒行庖

依疊石岷窺駐節在深篁掃雲隨處成
高卧肩雨從人笑獨忙欲寄音書數千
里峰前迴雁未南翔

平樂行臺籌用兵給餉有懷和前人壁間
韻

蕩蕩堯天化日長願垂蔀屋照逃亡
朝鉦暮鼓時多難青草黃茅地半荒
湖海有心馳北關經綸無術起南陽
晚山環翠清人骨載詠皇華第幾章

送愈憲包好問服闋之京

三年血淚移風俗百歲功名豈爲家
話別芙蓉花外雨夢隨滄海日邊槎
知心不謂交深淺處世誰論調正哇
傳語西臺舊同輩洞源猶未變
桑麻

桂林夜懷器之將別

仕路追隨別有因平生傾倒更誰親
良宵咫尺如千里嘉會蹉跎又五旬
攬轡恰逢多事日折梅同憶故園春
只愁江上孤舟別明月清風冷

煞人

再懷器之

萬金猶未到天涯回雁風高隔九疑
鄉夢偏多殘臘夜宦情應減少年時
風腥江海遲舟檝雲暗關山急鼓吹
慚愧胸中少兵甲湘南今日繫
安危

送總督閔都憲擢南曹司寇

等邊樓上坐春風忽覩登仙別意濃
在昔伏波稱馬洛于今司寇擢夔龍
錦衣晝領高堂趣黃

菊秋呈老圃容經濟有懷論不盡金陵雲樹遶
千重

阻水昭平同僉憲陳文用賦

昭州南下接梧潯民苦羣夷歲屢侵令肅柳營
旗旆偃詩成蓮幕酒杯斟雨深湍惡遲行色花
落鳩啼碎客心我愛干城人赳赳未聞罝兔在
中林

厓山大忠祠次陳白沙內翰韻

自有乾坤適此躬斷魂斜日怒濤風身危未肯

全歸數義盡由來不計功感激江湖存一老綱
常今古係三公厓山草木應增重誰向錢塘覓
闕宮

五羊江別李伯起

君羈逆旅我朝天百歲心情萬里船別淚祗緣
今日落義交應與後人傳五羊江漲初逢雨八
桂峰高半着煙塞謬相期堅晚節服膺何必佩
韋弦

還朝以戎功受賞加俸感愧有作

觀風無補愧臺端
叨沐恩波似海寬
隻綺文浮神豸角
千金色借雪花團
樹功自信非干賞
增祿何妨未徙官
自古明良難際遇
到頭寧負寸心丹

送張都閩擢任閩中

方面官高武弁文
南藩新擢北將軍
駕行向曉辭宮蹕
龍節迎薰靜海氛
王旅時平須養銳
君名年少已超羣
登堂覓禮因知德
喜爲雲臺致策勲

丁巳秋八月望後
陞浙江按察僉事有感
三年蹤跡寄浮槎
忽報遷官喜近家
廉訪臺前仍憲秩
春明門外豈天涯
閒邀七里灘頭月
醉折孤山水畔花
廊廟江湖隨地足
周南畱滯漫興嗟

挽提學豐城游公

七閩山斗失瞻依
春雨芹香報德祠
尚命不忘青眼意
心喪猶繫白頭思
誰人已許心中劍
獨我來觀塚上碑
載仰龍光堪頓首
斷崖煙樹倍

川經脩阻陸崔嵬
註誤無端念已灰
祇爲疾趨御史節
誰知良晤故人杯
登臨韓廟求遺草
拜讀蘇碑掃積苔
醉話青山雲水窟
誰聞海外更蓬萊

題海珠寺

出郭招提兩岬平
畫船來往寄閒情
海中寶地一珠小
檻外澄江雙練明
夜月頻觀蛟女泪
早潮常雜梵僧聲
此身欲借涼颺便
直作蓬萊閬苑行

饒平神泉小舟中

平生足跡半天下
今日偶逢行路難
錦里野航無更窄
真人蓮葉有餘寬
夕陽峰勢迎秋峭
深夜潭光映斗寒
一片短篷何障礙
盡收清景足詩壇

神泉小舟中懷湖廣亞叅長汀鍾舜臣寄以嘲之

神泉北上瀨千灣
昔日先生此往還
盡歛風稜宿煙水
長舒憤懣眺江山
濟川輪與篙師巧
到

歷代詩選 明倫彙編 家範典 孝行典 卷之五
三
旰飧思宦海艱九曲權歌明月夜何由同扣紫
陽關

次陳晉菴大叅藍屋驛壁間二律韻寓懷
兼柬茹兵備

侵曉驅馳乘月明慣聽松籟雜泉鳴雲山滿目
谷非遠禾黍一秋農有成賣劍買牛知俗易朝
征暮歛爲心驚停騶地僻逢迎少坐與沙頭鷗
鷺盟

三洲驛卽景

行客望晴農望雨冥冥之際得兼全日斜百里
方逢驛雷送千峰忽洗天稍透香花來屋下竹
添秋意到階前山林禦寇無良策咸願自今長
有年

聞同寅李仁仲少叅往南安至贛不得一
敘口占留別兼柬陳宗之大叅時宗之
有慶賀之行

分司若復到梅關我昨嶺南歸路漫六十重臨
江浙去一杯難盡涓城歡閭閻土俗須明告屏

歷代詩選 明初作日 三百四
翰勲勞媿素餐緬想矩菴天上至比隣風月賞
春盤

玉山公館感舊次陳希白大叅留題韻

三十年來長作客起曾寓此月嘉平一時人物
知何在竟夕羹墻夢不成雨近重陽添旅思天
連浙水漫王程縱教白首江湖上欲報君恩罄
我生

膺召上京師

登仙人已笑班生又捧徵書媿復驚山水竊中

消宦况雪梅香畔促王程欲酬天地四方志安
得心胸數萬兵君相明良勞吐握白頭何幸贊
昇平

陞右都御史奉

勅總督兩廣軍務兼理

巡撫愧懼有作

江湖廊廟竟何爲新捧綸音下玉墀半載三遷
驚數異兩藩重到訝時移草萊枯槁須膏澤今
古勲名在鼎彝報國寸心猶未老粵山離水也
先知

生日述懷

白首慚叨將相權又逢生日倍潸然
璽書褒及連三世花甲週來忽二年
雙闕有情懸鳳翼百蠻何幸息狼煙
乞歸未沐覃恩許清夢頻頻遶竹田

贈張元器憲副復職還浙

歸棹飄飄出水涯
途歌猶頌老賢司
璠璵滌去蒼蠅點
松栢依然翠黛姿
餞有羣英爭載酒
囊無餘贖只留詩
太湖風月寧須買
歲晚心期付

釣絲

題督船尚公府藏陳大亨雲山圖

春雲飛盡見青山
茅屋蕭蕭草樹間
濟渡無人橫野艇
携筇有客訪柴關
五湖煙景應非遠
三徑風流似可攀
笑謝西園天上侶
披圖寧許寄投閒

送黃義菴還閩

半生宦轍接清遊
前是蘇州後越州
桃李滿門閒卽樂
江湖馳闕遠還憂
別愁晚浦聞鳴雁
歸

趣晴沙對懶鷗試問六平舊同館白頭林下幾
人休

題督船尚公閒庭晚翠

雙榦盆松積暝陰綠雲簾幙畫堂深枝橫遠訝
蒼龍舞風撼渾疑夜鶴吟流響靜含天籟發後
凋應有歲寒心明公對此堪娛目不讓秦封數
百尋

題徐嘉興扇畫梅賡屠大理韻

羌笛悲殘曲含章憶素英關情使君閣詩雪夜

同清

平樂候王器之來巡適阻風遲行親友情

鍾竟夕不寐賦此以迓

江水滔滔南注急天風故故北來狂誰憐孤館
扁舟客只尺相望萬里長

吸翠亭

刻石留題記獨醒危亭虛敞納遙青此中合着
詩翁榻卧看雲山晚翠屏

石倉十二代詩選

明次集卷五十六 終



國家圖書館, NATIONAL CENTRAL LIBRARY, TAIWAN, R.O.C.



歷代詩選
阿木作
卷
序

石倉十二代詩選

明次集卷五十七

南澗集

大明

長安林廷玉著

後學曹學佺閱

感遇

泛泛木蘭舟行行采薜去放歌汗漫遊雲深忽
迷渚偶爾窮河源言晤弄梭女睠此會際艱相
看兩無語倏然剛風發塵寰杳何許

塞上曲

棄親來從軍誰無樹功心激昂在將帥賞罰貴

必譙千金買馬骨龍媒歲三臨將軍重壯士誰
道無孟任師行失紀律安能制敵侵不見南陽
叟七縱還七擒

擬古

秋蟲鳴唧唧春鳥鳴啾啾言念瞬息間時序成
睽乖感此時物變悠然興我懷佳人豈云遠瞻
顧江之涯涉江采杜若携手欲與偕飄忽杳如
夢愁心難自排

又

秋月流清光秋風吹妾裳今夕知何夕幸然登
君堂君在燕山陬妾在湘水傍詎期會晤間遂
茲吸蘭芳感君知遇竒感君恩愛長閩風有佳
趣願言同瞻望

有感

重華光大曆九五飛潛龍綱維丕振肅四海謳
歌同匭函出通明暢達天下聰百川東注海細
大成納容我惡沾青瑣不能振英風侃侃盛時
彥論列爭長雄苟有利國家何必皆已功

林泉夏日遣興

長松覆雲蓋蒲葉青以舒晴光浮簾櫳曉日涵
窗虛空中罕人跡數鳥鳴庭除軒冕豈不貴耽
此山野居三十功名路夢境多憂虞偶得塵鞅
脫方寸乃裕如山翁隔竹籬酒熟招我胥團團
白玉盤蒲貯菖蒲菹一醉忘身世寧復論其餘

又

雲山隔囂喧野興自孤遠林幽歲月閒萬物無
拘管猿鶴隨往來鹿飽卧町疃蹲鴟受水肥竹

萌茁林短野老共清談蟹眼入茗椀松風晚生
涼皓月冰輪滿自比無懷民一笑得仰俛

西堂雜詠次林世增隱君韻其一草履

淳朴苟得趣賁飾奚能倫管蒯擷爲屨飛雲誰
復論朝踏清溪濱暮拖歸雲村或時禮縫掖寧
能知雁門松塲徐徐蹈旋辟譚羲軒墮指步雪
中不煦東方暎摑以給饗餐何慕鮮醲昏嗟嗟
無懷民俛仰俱忘言靡麗俗所尚質素乃本源
賢者敦澆漓風軌凜恒存

考槃清詠

卜築依雲山花開花還落野猿摘木實渴鹿飲
泉壑幽鳥日嚶嚶蛛網懸屋角絲爪上墻顛雀
瓢蔓林薄忽瞻山之陽踟躕翥雲鶴萬物遂其
生吾心亦云若空山無侶伴呼酒獨自酌

又

青樓誰家子紫駟黃金絡雲霄飛意氣千金重
然諾羅衣青岑醴翠釜駝峰濯檀板金巨羅笑
看紅雨落盈虛天道明世事反今昨一朝時勢

異顛然成蕭索

秋日感興

風塵嗟瀕洞誰能驅三蟲乘桴涉溟渤滄波杳
難窮念此青鬢髮忽爲霜雪叢安得從化人駕
虬遊長空

再至定林寺

白雲鎖禪關松花落如雨佳木翳繁陰林深不
知暑老衲卧雲間雪顛能梵語吁嗟匡廬社遠
公亦何許

感興

風林振孤響，疎柳鳴寒螿。渺渺羈旅懷，對此秋日光。絕塞有行役，寒衣誰寄將。

林泉撥悶

屋上覆蒼松，階前茂瑤草。柴門繫釣船，野徑啼幽鳥。山翁睡起遲，落花紅不掃。

又

雲水涵虛窗，往來浮野馬。紫芝青巖上，採之動盈把。漁艇晚歸來，繫在柴門下。

書秋

庭樹凋西風，落下葉幾片。寒蛩四壁吟，雲端有歸雁。萬境覺蕭森，俄感時物變。

宿靈寶

浙浙西風砧數杵，天外賓鴻望南渚。山川蕭索暮雲低，野樹離離帶殘雨。鷓鴣暫借一枝棲，迢遞關河情萬縷。

清溪

清溪水邊人，唱歌千花萬花森。相摩陌上行人

歷代詩選

明林有開

次集卷五七

五

五

託相見欲行不行無柰何鶯忙蝶亂競穿掠年
年惟願春相若天道陰晴那可知但恐如花風
雨惡

鵲啼

千古哀哀望帝魂離人枕畔不堪聞梨花枝上
三更月幾點腥紅漬血痕天津橋上君須記叫
得春歸花滿地何當化作卷阿儔噦噦德音鳴
治世

閩鄉秋夜

枕簟涼生秋夜清風吹庭樹動秋聲碧空萬里
湛如水月色滿天窗外明孤館蕭蕭靜如許何
處殘砧聞數杵風情月思共撩人一種幽懷對
誰語

臨潼懷古

驪山之水溫且清朝元明上空月明玉環化作
馬嵬草碧樹蕭蕭猿夜聲朝代興亡容易變今
人不見古人面疎林落落掛斜暉金井梧桐秋
幾片

昔宋歐陽公雪中會客出令賦詩禁體物
語因追和其韻以寄興云

六出開殘天上萼
繽紛四海摧林薄
戍夫絕塞苦宵征
行旅長途艱早作
能令寰宇盡迷茫
解使乾坤頓恢廓
倚山莫道自堅牢
觸日應須謾銷鑠
倏來忽去逐風顛
蒙頭拂面漫空落
偶然颯刺到窗紗
遽爾嚴凝透狐貉
騷人筆底任品題
兒童階下隨搏攫
凌晨艱食啼乳鴉
向晚迷巢飛凍雀
釣磯簸簸響蓑衣
石徑霏霏滑攫屨

莫爲今朝凜冽愁
可卜來年豐稔樂
夙成體魄自不緇
天然襟度何須滌
橫縱無計抑松篁
緯繡只宜飛朔漠
頓足應思就火爐
僵手那能事旗槩
千年詩令仰前規
呵凍揮毫爲吟噓

出塞行次韻

九天百萬來雄貔
黃金詔下飛龍墀
雷轟電掣草澤震
旌旗閃閃搖赤螭
妖魔聞風盡潛窟
耿耿攬槍頭
看沒彎弧時
落雲中
鷗寶劍凌霜常
逸發忽驚極澗飲
垂虹殺氣赫赫摩層穹
不戰

屈人兵法奇羣醜那得逃術中阿香飛車騰赤
電千古人傳青海箭天厨殺美内醞良將軍醉
下含元殿來則勿拒去勿追邊疆金鐵皆閑陴
綱紀修明儲蓄廣王者之守在四夷虎皮多少
包戈鍛丈夫事業史編載君聖臣賢世道昌會
見匈奴皆款塞

和西涯雨中韻

一雨連三日涼生枕簟秋同雲低隴樹遠水接
江樓浪跡慙飄泊浮名苦繫畱不眠憂稼穡深

願恐難酬

齋居次韻

齋居嚴禮祀燈火坐更深聖德通天道春光眷
物情百僚遵戒誓三宿致精明上下期昭格寰
區願順成

月次東坡韻

客中良夜月恍若故鄉明玉鏡光隨滿銀河影
共橫多情邀我飲故意伴人行天際清如水依
稀見五城

歷代詩選

明林有間

次集卷五七

四

歷代詩選 明林有間

二百十五

錦衣獄卧病

落魄嬰三木乾坤此病翁
擘窗看皎月移榻避斜風
愁陣攻頭白燈光照眼紅
蓬萊天咫尺無路可相通

寓程鄉

羈懷隨處遣佳興入春幽
柳院鶯聲滑江城樹色浮
暮雨和雲暗春嵐得日收
閭閻知富庶但恐苦徵求

建溪道中

何處秦關杳扁舟日夜程
雲低江樹合水漲石磯平
帆挂秋風影逢敲夜雨聲
天無南北雁何以慰羈情

秋日漫興

粵國風光好秋來興味饒
雨添陂澤水風漲海門潮
暑退塵襟滌霜清瘴氣消
幾回閒拄杖高咏過溪橋

別王子衡侍御次韻

客裏仍爲別鶯啼似欲畱
柳牽煙縷恨花帶雨

容愁野樹雲千里江天月一樓何時定携手重
上鄂君舟

次廖師賢進士十日再登烏石山韻

烏山還命酒兀坐對奇峰遇節須行樂尋幽莫
厭重寺深松竹護碑古蘚苔封自把犁鋤足清
時學老農

林泉雜詠

六十餘年夢塵寰萬事非蒼松環我屋黃蝶上
人衣岩薜牽風細江梅得雨肥花前且命酒清

詠對斜暉

又

遠雁依萑渚危檣度曉風人行江路上春在烏
聲中煙雨來天北雲霞絢海東草衣陶靖節揩
眼看花紅

郊望

曉起望郊坰春煙幾抹青海船來港汶野鷺下
溪汀林麓枝巢鵲陂塘水漫萍漁歌依古岍人
在隔江聽

泉石野音

謝事歸來早深居遠是非雁銜秋色到鴉帶夕陽歸水落江形瘦山高樹影微行藏宜任理與願不相違

聖節朝賀

一曲鈞天侑九霞長生歲歲慶官家黃金鳩鵲迷雲氣白玉芙蓉駐露華燭影旌旗虬偃蹇星明劔佩蟻橫斜南山願效詩人祝襪線深慙荷寵嘉

遊圓林寺次韻

蘿薜門深晝亦關紅崖何路到空山高超瀛海三千界遠隔巫峰十二寰黃菊有情留客醉白雲無事伴僧閒浮名衰髮成遷逐無補清時每汗顏

正德丁卯十月十七日寓恩平行臺

凱還當日費經營三十餘年得太平到處金旗開夜月誰家砧杵送秋聲黃茅瘴起浮巖巖碧海潮來遶近城最是一般寥落甚晚風疎雨逗

羈情

黃田道中

陣陣西風吹客舟，葛衣清爽暑初收。
青山兩畔半含雨，綠樹一江都未秋。
湖海每憑辰北望，歲華無柰水東流。
行藏寂寞頻看鏡，勲業何時願始酬。

淮安卽事

淮水湯湯不盡頭，金城雄峙水安流。
帆檣晚趁人煙畔，鴻雁冬依亂荻洲。
桂館連雲迷望景，

簾吹月，藹高樓。西風拂拂寒光薄，到處朱簾不上鉤。

無題次劉欽謨韻

簾櫳搖拽五更風，起看長庚已在東。
楊柳暮煙隋別館，梧桐夜雨漢離宮。
雲低伏枕愁梳綠，塵滿香奩懶傳紅。
又是一春虛負却，幾聲啼鳥夕陽中。

沙溪道中

阿儉日日醉仙螺，春興瑤璵可柰何。
水漫溪橋

分綠遠鳥來山場落紅多東風吹柳千村靜麗
日行天六幕和老我得歸塵慮息也隨樵叟學
山歌

正德辛未八月會宿大安有詩糊粘于壁

今次其韻

松陰滿地晝庭空高卷朱簾許燕通旅興總歸
山色外春光半在鳥聲中苔荒石逕千家雨花
落瑤階幾樹風峭壁四時煙不斷却因何事歎
飄蓬

秋興

襟褸快爽得餘涼深覺尊鱸興味長歸雁遠投
江菼暮釣船清帶渚蘭香風高海國榕猶綠秋
盡家園橘漸黃村酒醒來還更醉却嫌風月惹
人狂

山莊秋興

晴峰曉帶鷓鴣斑碧海茫茫咫尺間夜雨燈前
孤影在秋風江上幾人還蒲儻暮景逍遙願衆
透塵寰夢覺關天外浮雲隨手變青山常伴野

翁閒

和步出西華韻

晴波東注遶宮坊垂柳依依半負牆鶯語巧含
春雨膩燕泥清帶落花香浮萍密藻還相礙水
鴨沙鷗兩不妨緩步却疑非世界蓬萊仙境屬
吾皇

和東彭敷五韻

南郊禮祀又新年獨對寒燈思悄然宦跡豈能
隨事好鬢華應不爲人憐星躔遙與宮壺應河

漢廷同禁署連幾度詩成仍未寫也應羞澀到
君前

謁文丞相祠

國破天驕萬蟻屯捐軀猶欲正乾坤千年廟貌
含生氣萬古綱常寄斷魂苔襯白雲封石刻柏
拖寒雨障祠門陳詞點灑泚瀾淚天地酸心目
月昏

送毛斷事考績還南越

燕山越水望悠悠課最承恩別鳳樓身世流年

雙短鬢江湖宦跡一虛舟孤帆細雨黃塘路紅
樹清霜玉硤秋聞說石門碑未朽憑誰千載企
前修

和杜少陵秋興

野寺鐘聲晚出林誰家籬竹翠森森蒹葭渚澤
天無暑促織堂帷月有陰旅雁銜書秦樹杪漁
翁鼓柁越江心長門深鎮黃昏靜無柰西風送
遠襟

其二

疎林落落挂斜暉鳥外青山一髮微碧樹未凋
蟬已老黃蘆纔起雁初飛千頭園橘家相近十
畝湖田願不違社鼓彭彭村酒美農家歡慶稻
梁肥

其三

釣船搖洩水西頭午夜風生枕上秋越水芙蓉
知隱意灞橋楊柳逗羈愁青松庭畔年巢鶴紅
蓼灘邊午睡鷗白面書生翻自笑曾持三尺奠

神州

傷秋

鴉鵝聲聲若有聞
楚絃清切憶湘君
愁潘鬢髮蒼多少
病沈腰肢瘦幾分
芙蓉滿園秋競媚
烏鴉投樹晚成羣
傷心最是東流水
千古無情送夕曛

傷春

坐對青山獨閉門
悶懷無語廢青樽
蘭膏芬馥將誰贈
鶴影伶仃僅自存
兩鬢星霜餘白髮
四山煙雨鎖黃昏
紅飛綠暗鶻聲急
回首天涯欲

斷魂

遊春

日暖風香酒再携
踏春行到亂花蹊
滿坡細草留人坐
到處新鶯逗馬嘶
野逕天低雲在地
湖塘雨過水平堤
玉山欹仄君休論
明日陰晴事不知

春水

溶溶灩灩鏡湖天
湖上晴光映曉煙
流盡落花還幾許
浮平遠樹欲無邊
碧桃浪暖嘉魚出
杜

歷代詩選 卷之五 月夜
若汀香野鶯眠欲泛蘭舟和月唱却疑身在武陵源

春閨

落花飛絮擁重門
嚶嚶啼鶯繞內垣
羅幕已開天未曉
珠嬰再整日初暄
簾櫳夕照金蟬躡
庭院東風寶篆溫
雁阻衡陽書不到
可堪惆悵對黃昏

夏仲

熟梅天氣雨霏霏
山館清涼尙夾衣
蛺蝶亂叢

沿逕見鴛鴦幾對
傍湖飛綠槐團影
當庭院青草和煙
上釣磯一枕睡餘
天正午梁間雙燕
哺雛歸

避暑

無柰炎威侵我急
閒來掃跡遁虛空
松亭况遇連朝雨
竹塢清涵一榻風
汨汨流泉岩石上
叢叢芳桂野山中
煩襟終日憑驅遣
欹枕難禁午睡濃

中秋

歷代詩選

卷之五 月夜

次集卷五七

十七

春

歷代詩選 明本南洲 卷三
八月今朝十五日煙霞病叟有遐思九秋到此
平分處百歲于吾強半時好月照懷何皎皎西
風吹髮且絲絲生平骯髒知何處且對清光酌
一卮

斑竹杖

八尺筇身少帶根常扶野老出山村却憐楚玉
新裁製猶染湘姬舊淚痕天祿藜然煙已息葛
陂龍化跡空存楊羲夢斷無消息九節人間恐
漫論

藕花

若耶溪上起微波撲撲清香陣陣過蒼玉折殘
春墮梗碎珠吹散曉翻荷飄搖遠助湘舟楫蕩
漾輕傳漢女歌菡萏首正開天未暑一樽相對竟
如何

海棠

道是花仙却艷粧誰云梅聘可相方春雨着來
真有色東風吹盡不聞香廢吟杜老牽情重睡
足楊妃惹恨長嬌艷若將閒比論風流還合讓

花王

邊城角

夜夜榆關索莫聲西風吹散不勝情將軍雉堞
龍蛇動胡虜穹廬感粟鳴月色淒涼寒共到雁
聲嘹唳慘相并離鸞絕谷知多少願得君王念
遠征

老將

摧鋒破敵手揮戈躩躑渾如馬伏波牙帳連雲
屯朔漠金笳吹月度關河謀謨久練兵機熟危

險曾經戰陣多淨却狼焯人樂業沙場閒唱太
平歌

南浦

章江江上暮雲深南楚風光自古今水上夕陽
鷗泛泛山邊夏日樹陰陰滕王閣廢名空在孺
子亭高迹未沈依稀舊封疆人事異不禁惆悵動
長吟

西湖

四面山光映水光芙蓉到處送風香笙歌畫舫

無虛口鷗鷺蒼波自夕陽衰草尚含吳慘淡啼
鵬空抱宋悲傷看來風景真如畫那得山邊築
草堂

處士

松竹蒼蒼映晚霞亂雲堆裏有人家悶臨溪畔
看流水閒坐庭前數落花日麗鶯聲當戶巧風
柔燕影掠簷斜幾番勾漏閒尋問欲覓刀圭靜
養砂

山人

雲谷深深是我家藤蘿松檜亂交加竹萌蒲蕩
供賓客白飯黃齏度歲華雨過自鋤園裏芋春
前閒採隴邊茶青山夕照柴門靜芳樹聲聲自
聽鴉

公子

廕敘相傳富貴身耕桑誰識世艱辛叵羅酬笑
花溪午叱撥閒遊柳陌春翠箔光騰金孔雀錦
袍香蹴繡麒麟薛濤絳燭歌喉婉祗恐幽歡解
泥人

貧女

髻鬟輕縮亂雲香每日寒窗按繡牀
祗把心腸看竇女羞將顏色說
何郎閒拈彩筆描鸞枕笑對
茅簷浣布裳三月韶光容易過
却憐鶯燕苦飛忙

夜宴觀妓

絳燭光燒醉綺筵笙歌聲裏列瓊仙
雲鬟高擁橫眉黛金鳳斜飛
蟬髮蟬繡幕香騰珠的歷錦
屏花笑月嬋娟何哉却念難長在
當日劉郎恐

寓言

安貧

一座青山半畝牆松花滿地
蘚蒼蒼蕨芽嫩漂陶盆水菰米香
浮石鼎湯容膝點椽茅草屋華
身幾襲芟荷裳頭顱霜雪心和樂
日對風花入醉鄉

驪山

花萼樓前百和香伊川曲諧教寧
王朝元閣在含秋雨天寶泉溫帶
夕陽灞水泊泊人共渡秦

坑落落草空荒前朝舊事知多少都付邯鄲夢
一場

靈巖寺

館娃宮變作禪扉當日吳王迹已非松塲尚存
麋鹿在草坡空有鷓鴣飛硯山夜靜鐘杵澤
水秋深碧四圍紅日西沈鴉正宿村前常見一
僧歸

凌敲臺

落落當途南宋臺行人過此重徘徊
榔歌古渡

寒潮落盡老荒洲白雁回粉黛盡隨花紅變青
山空鎖雨崔嵬偏安事業能多少却愛般遊壯
志摧

叢臺

叢臺之上烏夜啼叢臺之下草淒淒趙王已去
叢臺在行人路上空栖栖碧樹蟬鳴滹沱北黃
雲雁度王屋西興亡千古盧生夢芳草斜陽望
眼迷

漫興

月不言道
明林南淵
把酒對芳春風花能幾度殷勤勸美人竊恐春
遲暮

林下雜詠

碧草含朝露衰楊弄午風門前一溪水流過澗
橋東

高樹秋風急疎林夕照斜柴門臨水岍幾簇拒
霜花

泉石野音

小犬吠林顛鶯啼曲檻前山深人少到日擁野

雲眠

石倉十二代詩選
明次集卷五十七 終

全代詩選
明末有問
次集卷五十七
十三

國家圖書館, NATIONAL CENTRAL LIBRARY, TAIWAN, R.O.C.



國家圖書館, NATIONAL CENTRAL LIBRARY, TAIWAN, R.O.C.



石倉十二代詩選

明次集卷五十八

九栢存藁

大明

秀水呂
後學曹

弘治改元有感

我生正統末十九于天關尚倚大臣子深承
憲皇恩供奉餘二紀典牧滁山原曷憂去國遠
抱此涓埃存柰何及四十目覩四改元有髮早
潘皓無聞蹈丘言今上挺神聖百靈聿駿奔華
夷仰恭儉文景不足論鄙夫分荒野喜氣獨飛

翻昨宵飽甘雨牟麤潤其根太平固多象風謠
亦騰誼北望華蓋逼不知在山村頃已約僚屬
具榼待晴暎古寺動春色梅花瑩而溫一杯皆
帝力詎望猶高騫河鼠志克腹犧牛羨孤豚由
來過止足必胥羝羊藩但願賢路關宗社等乾
坤三復古人訓常安逮子孫

喜雨

諸公禱雨而應喜甚沈司空時賜先
作喜雨詩二首倪太宰和之示余邀
和余乃次
韻答之

頃從官闈災四方紛沴壻 至尊減膳頻遠貢

罷蟬蛤舊京亦告早春菱鬱如爇群公走祠禱
而我病床榻髮憂日益星心齋戶常闔孰云蒼
蒼高有感響斯谷俄然發輕雷鍾山遂雲合天
瓢駿影亂樂部蛙聲閣喜來不暇卧起整頭上
匳勿藥謝攜扶僦屋志苦蓋晨趨太常園嘉蔬
青紫雜望望長千里溟濛暗金塔昨蒙示新篇
乾鵲噪三匝博哉武庫陳足以啓衰颯翻思情
惱人花時猶雜選高軒以予從休衙待誰拉吟
多恐費箋屐敗將重臘糟妻頗解事香醪出雙

楹

其二

青春滋物初蒲衣
霾與楹農家大小陂
暴露及螺蛤嗚呼
生理微萌甲幾焚
燬城中億萬戶戶
供龍君榻司存下
令嚴屠肆經旬闔
厚祿不先憂主恩
何以答事真倚伏
殷誠乃天人合維
我太宰公隆望本
黃閣忠義發面頰
叩神免其匿頓回
雲漢傷歡聲周白
蓋區區蜥蜴謠兒
童浪喧雜如麻雨
脚來不見城南塔
嗟余蒲柳軀兩

觀星霜匝詩陳豐
年象庶足慰蕭颯
因之紀公德獨未
厭紛還公生誠嶽
降人可強排拉才
難不其然宵吟對
殘蟄借坡喜雨文
賀公以攜楹送蔣
惟深叅議江西

遡江風帆平指日
陟滕閣回首石城
隅離筵便成昨識
君餘十年渾不露
鋒鏑其外每閭閻
而內加榆約豈惟
銓司良家食心傾
藿茲當叅藩初胡
可尋常度夏戾飽
經術訓誥精噩噩
彼俗楚乃佻猶未
殷民惡胸蟠保釐
說炳若青與縹

以之著行事鋪張自宏廓善治戒征徭好古訪
淪落堂堂瑚璉姿終焉清廟託况今不次徵方
面跡聯絡捨此來群疑謂未堪盤錯薇花映官
僚寅恭相畫諾同急蒼生憂同後天下樂吾衰
一繫匏念及書頰作毋令金玉音慰我門羅雀
強顏滯周南宦情已秋薄

上巳次沈時暘司空韻

浮生百年內多憂魯幾酣欣欣物向榮無若春
風覃石城霑新雨鍾阜藹晴嵐山川豈洛中豐
饒在江南地勝號佳麗天光增蔚藍繁花維玉
驪柔柔育金蠶聽歌緩緩歸慨此頭上簪犧牛
與腐鼠莊周發余慚

其二

幾番花信歇日午方睡酣性從中歲懶卷帙罷
研覃休衙羅可張香爐生碧嵐起得司空篇其
音追雅南春光入手畫銀鈎滿雲藍我句蛛絲
微適用安如蠶小山叢桂招因公聚華簪誓將
歸歟咏一洗平生慚

謝包武庫過訪

官廬帶寒照多病少所親不速肯余過春然意
何真偶儲五斗秫釀酒清且醇竊祿本非薄鷄
黍敢辭貧休衙掃吏跡高論屏囂塵追遊蓋三
紀而况葭莩姻亦知慰留滯觴酌許頻頻相看
總無家攜稚各二人温恭仰子德問學老而新
子不日遷秩予當謝簪紳但愧歲年邁有負報
恩身去去勿復道世路方荆榛

題芙蓉和楊循吉禮部作

亭亭綴高紅氣毓金天朗無言妙容華對蒼意
弘敞涼颺久矣至固絕趨炎想色傾南國姝石
帶西山爽輕雲動素波凝渡銀河響及含沆瀣
餘宛若仙人掌我行忽見之褰裳欲孤往恨無
華堂奉寵以金銜養過時而霰零委頓均草莽
才難歲易徂憂來倚書幌

賀姑蘇李太僕少卿致仕

自公倡高節士以退爲榮我何此拘滯尚惑兒
女情方圓動齟齬固耻君子爭歷歷歲年晚徘

廼恐無成駕言登山望吳會蒼煙橫縹緲但一
氣孰辨三江清故里况凋落伊人餒躬耕所貴
意則遠咀道吐華英莫以極鍾鼎來世方垂名
誓將逐夫子因採紫芝莖

子昂竹石

吳典本天人其生面如玉先輩許經綸多才不
一足詎談毫素間蕭條數枝竹因之異代下落
月想華屋今夫拳石微勢壓篔簹谷秋雲薄古
黛山雨弄新綠飄飄逐仙氣把玩能醫俗如奏

子喬笙乃在緱山曲如含英星淚猶懷帝魂哭
昔也殷士敏裸將痛戾服胡爾生不辰吁嗟此
公族

送王德輔奏事京師

德輔南京
車駕主事

論交淺與深何在相逢早此心倘未宣比鄰或
空老我家本盧鄉君來從烏道俱生正統末宦
學余草草前霑數年祿政拙陽城考不遇舍驪
黃中腸骨傾倒蕭蕭如病栢冰霜但能保巍巍
奏高山子去琴安抱西成江漲平北駕風煙浩

此惟謁帝宸重門森翠葆同年盛鴛鴦游揚互
稱好環滁卿月秋休衙迹如掃棄擲扶桑鞭西
榆日增皓惻君情欠佳以未添丁惱明年克賀
賓金陵拜丘嫂

雷

仲冬尚御袂園野報花開終朝虹且見南山殷
其雷江城地固暖時序詎宜哉真宰意難料故
老多驚猜我生頭已白更事聊亦該末路慚齟
齟衆哂同樗材如何九折坂我馬方虺隤三年
別妻子何由舒好懷已矣勿復道黯然心獨哀
移文幸母誚猿鶴期歸來

釣魚圖

楓香倚青壁魚樂芟蒲長溪翁戴笠來舟穩撥
蘭槳欲談世清濁無復三閭丈極目盼流雲滄
浪發孤響餘音遠空谷川綠平如掌呼翁不我
磨繫此蓴鱸想

屋漏

時在
滁陽

山州土踈陶瓦惡鼠竄鴉爭勤脫落去來解吏

更幾人况乃郊居遠城郭今春補葺聊預防我
出經旬颶風作簷前老樹夜墮枝睡美妻孥免
驚愕歸來未雨尚未虞豈意淋浪忽從昨斜風
直注無處乾行坐都妨足常閣心同杜甫千屢
悲迹異盧仝數間樂布衾盡濕自起薰書卷頻
移頰束縛達人無及不由郊內重容顏時妍約
吾儕佐秩末云薄散地何曾鹿民瘼去去憑誰
薦稱鸚鵡早歸亦有先廬託

太常牡丹

耳邊恠底成蜂衙官寺爲有南園花寺之上脉
接鍾阜厥壤上上肥無沙春風誰倡洛陽會秋
浦獨任韓湘家支撐葦薄抵簾幕露重最愛低
枝斜人云芍藥可近侍勃勃方努珊瑚芽損乎
足者益兩翼散地固合多名葩大將詩壇逐鹿
急受降未有呼韓耶預恐誼譁設酒史毛舉正
幸毫釐差司敗司空皆少飲是日老頰猶生霞
蘭亭修禊舞雩咏去千載後今非邪我狂手脚
喜欲旋僚佐禮數宜其加作意吾盃徐料理醒

酒且進諸公茶仙童忽奏步虛曲啄木慢攪黎
園芭庵人罷祀來執炙小鮮適口何曾奢勸客
稱能讓秋浦客起便走前門遮九十風光彈指
頃莫教春遠又天涯

釣雪圖爲文選喬希大題

寒波雪片霏霏雨老漁宿昔扁舟具龍伯官前
擲一絲細鱗縮項隨煙霧霓竿本解釣珊瑚俗
情大笑何曾顧太平無事用鷹揚惡風白浪弓
旌暮簑笠閒吟柳柳州眼中枉費頻招呼我待
明年春水時去逐桃花傍岩住

沈司空種蓮次韻

七澤根株故相抵蜂房生意青青子江頭山積
藕鮮船不及西湖耳且旨舊家喬出休文翁太
華句有昌黎風興懷短壑駕長松官衙水閣裁
芙蓉我得容臺塘一畝下礙葑蒲上高柳今年
且賞東君花明年亦種西湖藕碧筍仰吸酒如
川一吸三百青銅錢錢空酒盡猶卓然賦詩最
愛晚涼天接籬倒着還臨水習家池去無多里

達觀懷抱何不容碌碌塵埃人似螻

題陶九成湖石芙蓉圖

圖藏魏都憲家

金甌剪刻明江水玉露淋漓半酣裏不勝秋色
染裳衣遲莫天涯徒自喜昔人曾比五老峰看
來峰石何曾似花自熒熒石齒齒村婦顰眉向
西子故多繡褥艷豪門枝葉紛紜針線死青春
誰共無泥滓只有中州魏家紫塞鴻社燕那停
趾相慕容華各千里

題秋鴈圖

黃蘆白沙千萬洲塞風卷雪無清秋江南水深
足梁稻棲息未暇虞羅憂一雙驚飛爲誰起呼
曹亂叫煙波裏就中亦復半無聲夢遶三湘憶
春水

治河謠

古河徙從周定王漢悲瓠子歌宣防後來紛紛
獻群策神禹遠矣誰其良黃流一石泥數斗倏
忽風霾千里走奔泓力障勢轉狂似止兒啼掩
其口古之使者猶爲民以身捍水勇且仁今之

使者志在名流移未復碑先成張秋已誇績禹
績符離廟享又無敵君不見蜀之遺愛仰三犀
今之鐵牛仆在隄

滁陽對雪用杜韻

臘近都稱瑞民貧益解紛自然生喜氣不厭對
寒雲舞馬隨風亂遊蚕得葉聞壚頭新酒價一
問卓文君

其二

野雪迷深巷山亭望醉翁欹斜臨澗竹歷亂遶

簷風肩聳詩成瘦顏衰酒與紅客來從我臘歡
洽愧囊空

天寒夜卧

雨久當成雪天寒不肯明君親南北夢城闕短
長更有病官何物無聞老此生茅茨符新屋妻
子念歸情

弔文山遺墨

錢世恒家昔藏有文丞相六歌及與其
妹决別赴死之書內了寧女妾一一詳
盡乃墨跡也往時吳狀元匏菴見而愛
之爲錄其書于家以六歌文山集中自

有不錄居無何而世恒家失火六歌與
書墨跡無一存者世恒恨不已匏菴乃
出向錄書稿與世恒作楷字書之而中
書姜廷憲題其卷曰弔文山遺墨予爲
賦五言
一律云

有形知有化無愧仰無窮書與家人絕身隨國
步終大名寰宇滿至寶劫灰同載簡文山集篇
篇墮淚中

除夕用杜少陵韻答包甥忠

官寺不攜家踈梅向我花達生從塞馬知倦愧
昏鴉臘謝春光逼寅當斗柄斜屠蘓不成醉歸

夢遶天涯

其二

龜蒙茶竈具太白酒船圖雨氣能消暑秋容已
滿湖稻香農望足僧定梵音無一味來詩意招
要實有孤

送寺丞文宗儒考滿十八韻

明堂非一木得地是良材公豈尋常輩元無寸
朽猜云何於匠氏乃置此山隈憶自煩花縣徵
行且栢臺青蠅多浸潤赤驥頓徘徊僕御憐丞

負官僚喜爾來仁言恒利博吏飾以儒該古直
梅仙似精忠信國培賦高傷二鳥職舉致千駭
奏績書應最趨朝轂共推風雲當簡拔盤錯任
剗裁星漢仙槎近莫墀曉莢開莫因高入步渾
忘舊銜盃憂鬢驚衰醜遺經惜亂堆世家雖太
史俸秩假庸才恐老皆山郡羞同不雨雷塞翁
明得失河上任遲回早晚三江去鱸魚覓四腮

徐氏古溪草堂

家在金溪住古溪今人知勝昔人迷未將門地

誇江左已覺風流過灑西一棹清寒歸後晚數
峰連影向前低區區結網心長有何日駕湖學
穩棲

送方叅議之浙藩

湖山開省壯東南君自司農拜少叅財賦獨憐
西浙盡民情先向舊都諳柳堤細浪樓船動薇
閣涼風畫棟含若到分司真卧治心同明月照
江潭

寄汝調元勳

家貧僦屋未安居已願閑官不願餘風靜積塵
懸戶牖雨深荒菊卧堦除因過鄉井心常切仗
有親朋跡未踈安得銜杯如二妙招邀那復待
巾車

送朱良弼應貢還

昔會故國知名久我自今年會汝初海內奇才
歸禹貢篋中經術老關雎晨辭魏闕鐘聲早暑
退秦淮樹影踈歸去青山應不負傳家還有五
車書

遊廬江冶父寺

不有山農蕪我前寺藏幽谷到何緣人間舊曆
將僧臘松上歌巢是鶴年大冶空名餘劫火古
泉清響落厨煙此來暫了公家事局促斜陽下
嶺巔

寄應天尹秦志寧

我爲公歌九戩魚眼中誰讀五車書名高京兆
新遷地官自承明舊直廬白髮獨憐狂走楚青
山誰復夢環滁共誇藉藉如張趙歛跡豪強豈

用鋤

寄劉克剛太守

不覺年過四十三馬曹偏處菲才堪愁無却老
青精飯夢有藏書白石庵鄉里衣冠誰晚節仙
家顏色自春酣巾車早定歸來約常擬先生作
指南

送少卿張彥質及丁侍御

張少卿彥質將
會丁侍御浩然

于江南北印馬舊年丁會
會今不得親別詩併致云

不共花時一破顏送君長自掩柴關問官碌碌

安知馬成癖悠悠爲有山采石江頭看劍發歌
風臺下賦詩還愧無春雁雙飛翼瞻望星輶莫
重攀

送李都憲總督漕運

連櫓入漕鄧林齊都運新恩下紫泥劉晏部分
煩一日李冰開鑿鎮三犀衣冠曉餞秦淮道笳
鼓春迎楚水堤獨羨飛騰還感舊弱齡曾識掖
垣西

送吳興沈文端視子金陵尋歸

文端入有
德長者嘗

任工部員外郎被讒
故官止漢陽太守

卧病空齋忽扣扉驚呼出處十年違平生失馬
皆人厄老眼看雛作鳳飛草色青青淮水餞花
時緩緩雪川歸浮名終是輸行樂白髮何曾減
帶圍

答包舒庵

去天尺五仗雲層兵衛晨趨地位增宿望已歸
佳士口苦吟那免俗人憎君今暫抱無家恨我
亦同爲有髮僧爲和詩篇成不寐短窓殘月下

踈櫺

題丹陽故孫處士山庄

杳杳東帛未霑恩喬木丹陽是慶門人逐顏波
無返勢朋來宿草有啼痕收書東老神仙識食
力南洲道義存甚欲留連亭上景乳烏哀切易
黃昏

遊泰山次侍郎鄭東園韻

人在山腰若蟻微白雲常傍短筇飛廟多祈報
香煙合春阻高寒草色稀地主只談三島事天

如端拱五銖衣豈知客是瀛洲老曾寵金蓮向
北扉

其二

侍郎乘輿自南畿社老村童覩漢儀浴日早明
雲裏觀靈風不滿廟前旗古今詩句留鴻跡來
去遊人似奕碁雖是亡秦多絕藝披榛還覓李
斯碑

官舍秋晚有感

雨過鐘山挹晚涼芭蕉承月翠流光十年江上

屐來徃萬事眼中人短長獨在異鄉徧嗜酒老
防多病每尋芳此卿敢道還清濁兀坐如僧一
炷香

送張定庵尚書致仕還雲間

連章請老茲方遂帝寵公歸禮數優紫氣度歸
周藏史赤松爲約漢留侯堂開畫錦非行夜味
美江鱸正及秋模範斯文歸晚節巍然砥柱見
中流

送彭給事君實陞僉憲建寧兵備

海邦煙霧散冥冥長控東甌島與青對事補天
會捧日屯兵占使已隨星鷹鷂不展行臺肅雞
犬相聞野戍寧看取武侯揮羽扇書生伐國也
嘗經

上元南都儀鳳門外祭天妃畢有感

海不揚波職有神精虔祀典及初春江山傑構
龍宮近珠翠明妝象服新落日官松消積雪華
燈街鼓蹙香塵白頭潦倒休輕誚管領齋郎第
一人

送崇信伯奉使還朝

伯今守備南京成國公婿成國留飲始識

開國風雲委慶長使還龍節正煌煌館甥初識
汾陽第揖客能容汲黯狂甕裏葡萄浮大白廐
中苜蓿飽飛黃朝廷一飯思頗牧忠孝母忘守
四方

挽伏羗侯毛公

公起自百戶陞某官擊賊滿四中流矢没于陣立廟

甘州追封伏羗侯

二十靈州擁勝兵四朝身任一長城中原每惜
廉頗老西域猶尊定遠名日晏揮戈方大戰星

芒隨矢墮前營堂堂追寵河山誓廟食丹青炳
若生

送郎中劉之敷移病還海鹽

書札新承仲父招歸旌心曲已搖搖官衙瘦馬
無餘粟海國魚鮮正脫潮晝謝鞭蒲醫藥便晚
遊林竹酒樽遙東山還爲蒼生起老去過從未
寂寥

賞牡丹

太常南園牡丹盛開一本百朶
與吳學士夏銀臺同賞而作

百朶深紅葉葉承含情五出露華凝盛開有限

春光老相對無言酒量增冷落官衙羅暫撒清
平詞調客皆能何當一試仙人術別染黃金細
作稜

憶桐江

連山不斷湧波濤察見溪鱗與澗毛漁戶業憑
烏鬼活水春機舞雪輪高年光屢換奔如馬足
力空餘健若彘垂老追懷常在夢扁舟安得更
遊遨

贈郭侍御時予爲言官所劾遂有歸志

弦歌猶自說松陵
冠豸峩峩合見徵
君子歲寒江左共
野人秋色鬢間增
動搖山岳無南北
報答涓埃忘寢興
忽憶青門瓜圃業
思歸擊壤誦年登

送南京參贊機務上司馬致仕還公安

銅柱蠻煙掃穴空
舊邦機務屬元功
身能勇退儀刑遠
詔涓弊留禮數
陞黃鶴舞仙江
笛外赤萍如蜜楚
謠中踈狂我亦便
歸去惆悵何年得會公

閏正兩遇元宵

閏餘重此上元宵
兩度華燈不厭燒
酒爲競酤騰舊價
俗工談謎闢新條
百年萬事都行素
一刻千金也自消
老逐兒嬉從指笑
醉歸那復記趨朝

六十有感

生向平城擾擾時
太平遊宦得歸遲
治龔社酒分鄰父
含笑山花作侍兒
樽節力田那不足
藏脩委命復何疑
心知千古紛紜事
僅抵明窓一

局碁

芹

土膏淑氣漸舒揚
芽茁鮮新半尺強
生菜盤中春日薦
青泥坊裏野人將
水占此物知鳧暖
巢帶餘香覺燕忙
欲與晨暄同一獻
鄉豪適口有蒸羊

喜雨

衆道西成望已無
賴天時刻救焦枯
雷行催滴將軍馬
電笑疑投玉女壺
新漲汪洋如素練
晚

荷傾瀉總明珠
老夫更爲農家喜
逐婦林鳩且未呼

湯汝威歸自海上示余以詩次韻答之

依依紅蓼帶蒼兼
秋老空山爽氣添
野服閑行無障礙
宵鐘淨土信莊嚴
酒賒寺外停供茗
芋剥盤中略點鹽
前昨坐懷歸棹遠
燈花晴雨爲君占

池灣沈一之大雲姚惟誠兩生攜酒慶余
生辰一之云去歲壽長洲沈石田承有

詩教今獨無言乎遂次石田韻作詩答之

五十年前祿重叨病來非銜乞身高一經門戶
今空老二頃田廬半不毛風颺茶煙縈素髮薜
乘梅雨上緋袍餘光潦倒貪杯酒適興詩篇謝
與陶

竹坡

向陽不種召平瓜長坂風披翠色斜好事有人
常徑造食貧無肉也清嘉籬防犄齒傷新笋雨

瀉灘聲走白沙誰掃鵝溪絹中墨為傳群玉影
交加

送譚秀水知隴州

譚蜀人
諱溥

五馬難遮感邑人恩遷先已夢刀頻寄梅驛使
今千里望蜀鄉關僅一旬湖水鴛鴦當別酒山
城鸚鵡解調春斯民直道無南北更願吾戾撫
字新

送海鹽秀雪江除僧會還邑寺之天寧

作詩為愛無僧氣捧檄其如有宦情鄉曲稍妨

頻會晤海頭終是少逢迎欲從虛室分吾白管
領方袍獨汝清遙夜潮音供靜聽一輪涼月掛
高城

追和遊山韻

雨浥紅香濕未泥諸公有約去還齊慣途老馬
逢高健欲飯村鷄送遠啼碧水丹山情不淺緋
桃素李眼都迷同時恨不同清賞慚向金陵續
舊題

題龍潭驛

縈紆壞道瀉鳴湍慘淡輕雲翳遠巒馬渡溪橋
松葉暗蝶穿籬落槿花殘正愁暑氣肩輿晚忽
轉江風驛路寒十五年前尚通籍太常今去舊
長安

鳧

十鳧同下四先飛淺水魚蝦食漸肥蘆葦有花
菰有米晨光秋色正微

嘉善四時竹枝詞

村巷依稀帶日斜高墳數尺是誰家晚來風送

月不計道
明品集之
江頭笛吹落棠梨一樹花

按嘉興府志呂憲字秉彝文懿公原之子也
繇中書舍人遷禮部主客司郎中琉球乞歲
一貢弁西番僧欲繇福建漳州回本國公持
議皆不許省有司經費以鉅萬計遷太常卿
集累朝故事爲條例上該寺利便十二事悉
見施行生平宅心淳厚丰儀蘊藉喜讀書著
作至老不倦有九栢集若干卷子言字伯時
以蔭補官所至咸舉其職云

明次集卷
之五十八

石倉十二代詩選

明次集卷之五十九

南郭集

大明

黃巖王弼著

後學曹學佺閱

送方石先生赴召分韻

憶昔拜公初我上南官試開心念通家恩愛良
獨至我領溧水除公返桃溪睡中間十餘年日
月忽如遺昨日會總亭再見若夢寐公顏已頹
朱我髮亦凋翠晤語必詩書談歡止茶鼓殷勤
五日間頗見平生意公今捨我行折節從王事

歷代詩選 明王在翰 二頁三
空嗟斥鷃情難附冥鴻翅秋風吹長江柳條作
枯刺板折苦不堪無因寄愁思

次吳少宰下邳見山韻

匏翁江南來清風遠相餞不見江南山躡蹙嘆
墻面過淮三百里無地作游衍忽逢下邳山開
篷延一見船進山亦來默若對酬獻欣然起題
詩老氣何迥健至今開卷看令人久嗟羨此翁
風韻高豈諧時俗願

同一夔栗夫觀白太傅安穩眠次韻

秋霜無永茂春日無堅凍及今不爲權弔古徒
自痛邯鄲夢榮華及醒果爲用方有在夢中豈
復知是夢

望前車

百草明朝霜擅裘冷如鐵穉日慘無光颺風何
栗烈昨夜鷄鳴時已與前車別不見車中人但
見地上轍

古樂府二首

妾心若明月君心若流水流水清涓涓忽然波

浪起人見月盈虧月光常不死

其二

妾心如秋露君心若春芳春芳豈不好頃刻委
道旁露性本柔濕天寒結成霜

題陳待徵山水障

陳君作畫時墨落如灑水筆端元氣忽淋漓白
者縈迴青者峙長虹飲澗瀑下走老虺掛枝藤
半死突然盤據十畝餘片石之大有如此戴笠
而杖西者誰前疲欲僵後復起褐不掩脛屨無

底入山不深猶不止我欲登此石招手從二士
山中有谷谷有芝不用官倉五升米

贈龐生吹簫

寒星點點秋雲薄白日離離映寥廓哀商怨徵
動高堂想見梧桐滿城落青年白晷吹者誰龐
子風流妙音樂自從五月來長安久別吳湘舊
江閣吳湘江上曾一吹江水江煙青漠漠孤舟
嫠婦不得眠四顧長風起蕭索紅塵向來聽者
稀鳳唳龍向如扁鑰秋來見月苦思歸不覺悲

涼指間作此曲本自僊家傳掠舟曾送西飛鶴
燈昏夜靜初聽時小雨先來洗城郭明朝却上
東坡船此地憶君成寂寞縱有新聲何處聽蘆
花月暗楓橋泊

二馬圖爲陳明之題

壯哉陳明之有此兩玉驄一驄色作葡萄錦一
驄雪尾雲爲鬃咄哉明之此非畫兩胡碧眼睛
相射手中綠繩三尺垂人馬意態俱閑暇燕郊
二月沙草春淡風艷日開煙塵兩龍浴罷桃花

水迥視八極生精神十年侍朝未央殿西北貢
馬尋常見駑駘豈有仗下材空勞萬乘臨軒看
有如此圖誠不多舉足萬里無山河試令放馳
九折坂定與飛鷲爭先過神物不受人間役冥
冥天意應相屬明朝卷軸送還君莫使春雷驚
我屋

次栗夫韻答一夔招飲

聞君東籬把寒菊對酒高歌霜滿屋尋常閉門
嗔索詩此時下筆皆神速想爲悲秋發豪興十

斗九空驚侍僕不然浩蕩凌雲句豈是枯腸泥
餽粥余時遠客范陽西土醞作酸那慣服解舍
冷落幸無花若使見花增感觸紛紛胥吏羅我
前縱有清吟誰採錄典來只據小胡床仰視天
際飛鴻逐今日歸來眼始開君有新詩盈卷軸
况逢新條急卯酉何得抽書清案牘我觀官府
束縛人雖有良驥無逸足君於世事常超然此
意要是天下獨垣西往時花底尊何事猶煩致
書促百年之內良可知日月如梭走相續看我

面如秋葉黃愧君髮似春條綠嗟我茲行亦跬
步節序何嘗異風俗如君此詩極可賞已自不
及花前讀世故相尋恒萬端正似河沙難計斛
後來離別那可量風塵悠悠恨川陸我今作戒
非爲花十事九不如人欲古人嗜酒稱酒聖任
渠嘲謗吾何辱

過半江菴觀鐵崖樂府花遊曲次韻

花氣作陰春晝濛蜻蜓鬪影蘭若風鐵笛老僊
石湖裏雪色長髯映湖水美人搴芳度水門硃

紅藕絲新染裙蹋歌採採不成步歌聲下徹吳
王墓蛺蝶隨香花底來白蓮掌上真珠杯清音
震落碧瑤碗亂泉捲入銀星板老僊起舞山日
西絲雲落筆畱春題酒醒不見玉堂使簷竹敲
風僧壁西松香濕透小銀箋風流盡付瓊瑛篇

賞廣東部梨花用東坡梅花韻

缺月掛在城南村百花黯慘無精魂開眼東闌
一株雪清光回晝寒燈昏牽衣昨夜走相覓風
物雖好非吾園盤龍小枕破春夢主人顏色如

花溫歸來展轉久不寐編衣月淡扶桑暎今宵
又作省中宿相思復欲來呼門露華颺颺鬢脚
冷主人不出花無言明當掃拂花下石我欲往
置雙清尊

閩門謠

蘓州繁華天下聞蘓州繁華數閩門門外狹斜
不容轂人聲雜沓洪濤翻大店小店如列柵南
貨北貨山委積黃金論斛錢論車到此消磨水
沈石文羅綉緞成落機爛如春雲映日飛歲供

上用苦不足連箱去作豪家衣小瓶裝酒蒲瓶
腹軟蒲作包細繩束千船萬船走湖海京師不
飲葡萄綠紅樓百尺翠柳遮中有絕艷如桃花
琵琶箜篌聒天響郎醉不知西日斜高檣巨舸
銜尾泊貴客豪商往來鎔水夫收帆槌大鼓霹
靂連聲飛火炮鴛針刺枕繡絲聯龍鬚編席青
錦緣帔柔疊素瑩欺雪漆老遠光輕抹煙赤毫
縛筆利戈戟繭紙鋪花呈五色合歡帳帶雙鸞
騫官樣髻鬟雲一尺百需瑣碎何所無十萬纏

腰到處娛夜闌酒醒人已散隔浦還歌山鷓鴣

昭君怨

明妃掩袂辭青瑣雨淚盈盈向空灑生來不省
出羅幃萬里誰教學騎馬待罪長門歲已深朱
顏綠鬢坐銷沈君王對面尚如此安有異域能
知心一死可辨不足惜但念無名死何益未說
黃雲出塞愁妾有甚難長在臆琵琶曲譜君勿
傳薄命流落空自憐漢宮若奏房中樂自有關

睢膠木篇

歷代詩選

明王字敬

次集卷五十九

二

四

永豐謠

永豐圩接永寧鄉一畝官田八斗糧人家種田
無厚薄了得官租身卽樂前年大水平斗門圩
底禾苗沒半分里胥告災縣官怒至今迫租如
迫魂有田迫租未足惟盡將官田作民賣富家
得田貧納租年年舊租結新債舊租了新租促
更向城中賣黃犢一犢千文任時估債家算息
不算母於乎有犢可賣君莫悲東隣賣犢無賣
兒但願有兒在我邊明年還得種官田

秋雨嘆

雨陰陰水漫漫十日復五日侵宵還達旦不愁
階下蘭蕙死但憂田中穀菽爛蘭蕙死君子以
傷悲穀菽爛小人恒苦饑人饑稅轉逼因之生
盜賊人饑稅逼盜不息於乎有粟吾焉食君不
知六月南風河水枯日中天行赤烏

奉使保定諸公餞別屬予爲倡

平居雅愛重九名西域乞花過東城眼中一壺
又長滿花開萬事余不啻詩情酒量雖不同冷

淡竊比陶家風婦亦恐貧無許語手壓糟床響
秋雨諸君來尋意疊重舉杯浮白不相容屈指
算我行色近只恐歸來花已盡我醉突兀如堵
墻請君作歌歌襄陽

戲窓前小桃

小桃甚小能芬芳乃在主人廳柱傍忽然見此
婉清揚使我廢書典衣裳去年柔弱風中徑樊
姬癡小未解粧綠羅衫袂紅錦襠一笑伴我窓
風涼一春寂寞卧桁楊花氣撲簾聞晝香水瓢
竹格小匡床主人乃是江左王小桃小桃弗爾
傷坐看明年廳柱長

遊豹突泉

濟南歷下多名泉白沙幾處涵風煙郭西豹突
更神異平地一朵白玉蓮浪花滾起千層雪此
中疑是蛟龍穴靈藏歲久變妖恠精氣上湧成
涎沫餘波散漫淵復渟溪風冷冽山雨青微霜
初下鴈秋浴落月漸低猿夜聽窮源我欲過川
陸舊誌虛傳自王屋冥茫難測造化情聊寄泉

歷代詩選 明王在詩 九
亭漱寒玉

送楊儀曹養病歸東吳

楊君文如雪溪竹清圓瘦勁無不足筆牽萬牛
又神速顧視餘子誠碌碌儀曹官好有拘束神
駒受控翻局促以茲氣鬱不得舒三月卧床手
捫腹我知君病乃非病兩度謁君呼起沐君言
吾疾殊可恠合眼常見吳山綠卽日上書謝至
尊臣身頗類豈中鹿得報忻然心自賀明珠出
泥還故櫝丈夫落落期千載不必紛紛空食粟

草堂對月分韻

明月轉西壁歌筵漸徙東一尊貧對客百事懶
如翁鴈噉霜華外虫棲露草中今年秋更好才
得此歡同

送林新國還黃巖

曉寒開祖帳清雪映離觴爲客年華盡還家道
路長江山留賞玩鄉邑重衣裳想見吟邊興春
湖共渺茫

遊靈巖謁杜清獻讀書處次方石先生韻

歷代詩選

明王在詩

次集卷五十九

十

仁

帝塵江截斷山色雨添明地迴神靈會秋高水
石清勝觀隨步改險息得林平一瓣杜公室蹉
跎愧此生

其二

白紵秋瀑勢青削晚峰層勝地雄千古私心盡
一登莽深僧識路崖黑鬼藏燈激烈思前事憑
高意氣增

發澄江

江水去悠悠三年兩命舟景繁添客恨老怯近

鄉愁急槳催潮信回灣失埠頭海門春色好指
點見台州

夜夢八叔父

長途望不極永夜泣相逢似爲中年病全非舊
日容自應扶几杖豈解惜章縫覺後收餘淚鄉
心一萬重

又賦金魚

早從江市乞魚秧養得纖纖翠鬣長稍覺波濤
吹夜海便驚風雨到秋堂悠然不畏銀床近伏

處應貪石盎涼此意分明魚是我千年誰復問
蒙莊

中秋婁元善家賞月限韻二首

草堂秋半氣如冬孤月飛來海上峯興在據床
知庾老時經剥棗念幽農露華拂曙驚仙鵲河
彩當空動玉龍絕景此時真一快豪吟還擬奮
詩庸

其二

白月當空桂影微玉樓高見素鸞飛涼雲已淨
千峰影彩筆真生萬丈輝長嘯天風來客座半
醒詩夢在僧扉清樽且放狂夫醉休說乘槎犯
斗歸

古直新買雙菊

雙菊前叅似兩生鄙夫爲爾眼增明招筵幾日
煩詩侶晤對終宵絕宦情興至只呼紅麴酒坐
來忘却紫萸羨清吟莫恠羅衣冷小雨飛時已
二更

神樂道院分詠枸杞

簇簇紅霜映石壇高標留借野人看風光牽挽
藤三尺秋色扶持竹半竿本草性涼消內熱仙
家味苦帶儒酸向來肺爲憂時渴欲卧籬根待
一煢

送張兼素之師宗

一封何敢犯龍鱗欲乞清朝怒直臣萬里又成
嚴譴日百年同是畏途人休爲太傅臨湘弔善
保元城過嶺身麟鳳從來天下瑞未容魑魅久
相親

齋宿答楊質夫

到門初見暝鴉棲圍坐爐熏燭漸低不放酒船
來問字空煩詩札送封題雪深西寺春齋集日
出東華曉仗齊清興對君聊竟夕未應真向局
中迷

分詠江令宅送屠元勳之南京

三朝丞相老詞臣淮水西邊舊卜鄰飄播未妨
青髮好往來惟見碧山春花亭竹榭當時主牧
雨樵煙異代人君過青溪應弔古好詩端爲謝

溪神

遊山限韻

清流垂蔭夾雙堤一曲滄浪野唱齊東寺日高
微覺暑前村花落半成泥獨憐飲興經春渴休
惟吟頭盡日低飯罷長廊遣一笑匆匆又解遠
公攜

送溫冬官使陝西

關西民庶委蒿萊鴻鴈磬磬極可哀金幣屢從
天府出旌旗正望地官來華陰山逼河聲轉函

谷鷄鳴樹色開隴蜀連封才咫尺使成應換綵
衣回

送龍湖太守

龍湖太守擁旄旌西過牂牁是舊城從古衣冠
非僻遠如今風氣亦文明梯航久已修唐貢帶
礪還應講漢盟身率百蠻同稽首千年委質在
周京

封御史強公挽詞

八十年來酒與詩倏然林下謝清時江山滿目

歷代詩選

明正字攷

次集卷五十九

七

六

藏舟改歲月無情弔鶴知人世空餘新涕淚賓
筵無復舊威儀束芻空谷懷賢意千里應慚絮
酒遲

送趙子厚宰上元

新爲赤縣江南去舊是黃金榜裏人恩數不殊
臺省例職司羨與吏民親地稱根本由來重戶
切銖求最易貧知爾政成多逸興鳳凰臺草坐
芳春

次韻陳一夔清明感懷

公詩常切故園悲不耐紅塵帽底吹上巳風光
依例好中年情況自家知勝遊準擬隨輕策貧
具惟應有伏雌明日城東濯纓去平泉石上送
青時

立秋夕同陳一夔宴坐限韻

執熱昏昏待得秋真如枯涸願清流眼明今夜
能看客肺好明朝共出遊遂有微涼生几上忽
驚虛籟落簷頭草堂早晚堪乘興升斗煩公爲
力謀

贈桐菴居士

何處高棲王聘君一菴秋色淨
囂氛青桐手種成嘉樹白首
年來卧翠雲巢有鳳凰堪作
侶材非梓漆謾同群石床聽
鼓南薰曲試斲霜皮製裂文

遊靈巖道中追賦

竒觀共說靈巖寺徙步今登
白石梯詩刻贖收唐以後禪
關初啓晉之西屋連風雨成
魚鬣地拓煙霞接虎蹄神秀
千年完不改異泉佳竹滿

陵溪

次韻方石先生秋夜感懷

潦倒乾坤此布袍白頭那減
舊風騷孤燈寂寞閑聽雨千
古英雄笑委蒿病後壯心秋
草折夜深歸夢海天高相看
獨幸青樽在無限幽情共一
陶

挽王中舍允達

數行遺墨在瀕危臨訣從容
語不支萬里此身真夢幻九
原何處盡交期謝安欲卧誰
相挽王

式雖來事可知今日旅魂招不得匆匆翻恨出
山時

裴師召晚翠堂

蕭然茆屋倚山開門外山光翠作堆動樹好風
嵐忽散掀簾爽氣雪初來練裙醉墨池邊雨瘦
竹青鞋石上苔幾度登高望城郭先生榻外卽
塵埃

常思嶺次韻

前人飛錫此爲家無價煙霞不用賒伏虎峯高

臨海月誦經樓迥接天花一林膩雨僧收筭兩
腋清風客試茶欲着孤亭添勝槩先開蘿逕遠
松針

九日登望海門

望海門中望海門斷雲將雨暗千村峰巒露盡
秋山瘦潮汐來時野水渾暫許餘閑偷白日翻
憐造次有青尊菊花忙裏開還未試遣新詩問
小園

出城

歷代詩選

明王守仁次集卷五十九

七

仁

今長不爲閑遊出不爲閑遊興亦嘉帶雨青山
十餘里傍雲茆屋兩三家斷流已作方塘水舊
雨猶殘半樹花欲借蘆根安釣石不知誰管碧
溪沙

客中元日

賞新客裏有椒杯笑口雖慵也合開老臧一年
難再得春從此日又重來五旬已入稱翁例三
命猶慚服政才身到天邊行未遠回瞻紫氣滿
蓬萊

送陳冬官監稅蕪湖

割葵湏解惜葵根誰說東南利有源六府廢來
無國計一分寬處卽君恩班行暫輟郎曹貴制
置應誇使節尊到日江花正撩亂不妨先理舊
吟樽

除夕

除夕年年不在家今年除夕在京華病依孤枕
渾無寐靜看寒燈自結花五鬼不嫌窮面目一
官堪笑拙生涯明朝拜舞辭青瑣又逐春風上

海槎

瀑布泉

涓涓初見出蒙時到此瀾奔勢莫支
月白搗瓊千杵合天機裁帛萬絲垂
清秋雨歇依聽慣遙夜風高鶴睡遲
獨恨餘波落平地成川又與濁流期

晚泊

邂逅峰陰一繫航綠莎鋪處小胡床
人家半隱磯頭樹官路斜通竹外墻
傍岸沙牛春帶犢隔

溪雲碓夜春糧幽居此地如堪卜
子美瀼西舊草堂

建溪席上次方石先生見憶韻

盤空硬語力移山滿地風雲叱咤間
怯戰有心堅漢壁避追無計脫秦關
百年准辦償詩債萬事何如老得閑
滄海眼前真浩蕩野鴛終愧海鷗班

七月十五日宴集限韻

幾度往來欲破牆風簾雲箔自相將
草堂便許

歷代詩選 卷五十九
邀明月紈扇還來坐夜涼西苑樹遙微見影東
隣荷近忽聞香芳辰偶得官中假倚席高歌曲
未央

四月十四日德州官廨見薔薇花盛開有
感明日道間又聞鶯聲宛轉在樹陰中
不勝淒惋賦此自遣

昨宵苦被薔薇惱今日重聞黃栗留飄轉客身
殊未定闌珊春事不勝愁青林氣重迷征旆迥
野風銛憶故裘傳節漸更家漸遠無憑歸夢付

東流

哭陳高州

別路同攀春柳條聞君秋駐海南輶書來自喜
州無瘴運去那知鬼作妖子建詩雄空蓋世宗
元謫死不還朝黃梅嶺外鞦韆雨零落殘魂誰
與拈

遊焦山寺

長江薄海怒相持孤柱中流一控之萬折波濤
成汗漫六沙煙樹起參差斬榛下弔胎仙塚懷

歷代詩選

月正字故

次集卷五十九

二十

三百六

精來參聘士祠兩隻饑眸饑未飽老僧休恠不
題詩

遊虎丘寺

古寺春山載酒誰姑蘇太守好襟期振衣盤石
虎先去濯足劍池龍未知千頃白雲孤閣迥一
方明月舊亭欹凭欄俯弔長洲苑寒食江村細
雨時

汝脩北行約過溧上旣聞自京口渡江而
去爲之悵然及予將至京師喜佳會不

遠徃徃形諸夢寐賦此寄之

江樹春雲久繫思秋杯准擬共君持空傳建業
三年論却阻毘陵兩日期別後聲名心自愜近
來風采夢先知華燈若爲行人卜應向沙頭訪
楫師

遊金山寺

巨靈怒擘太江開割取崑崙一股來萬馬潮頭
嘶入海片金波而湧成堆峯巒影落浮杯渡天
水光涵說法臺造化設竒當要會虛傳清澗有

歷代詩選
明王在翰
蓬萊

不睡

耿耿燈前語愁來且就眠如何孤枕上展轉劇
燈前

吳少宰東莊菱濠

誰家木蘭船濠上採菱角日暮唱歌歸天寒秋
水落

古意二首

莫作河中水願爲水上舟舟行有返棹水去無

迴流

其二

蜘蛛結網踈春蠶成密織密織不上身網踈常
得食

古詞二首

妾淚如長江不灑陌上塵留取雙轍跡得認君
車輪

其二

君行轍不返妾淚長在眼試將眼中痕與轍較

歷代詩選

明王在翰
次集卷五十九

十二

仁

深淺

謁嚴先生祠

遠來物色知交態老作漁夫亦帝仁莫道孤高
真絕世平生朋友與君臣

惜梅

獨樹墻西老更繁幾回相伴月黃昏東風只爲
芳菲計不道飛花已滿園

次韻答蘓延平

百五又當寒食邊黃風濁浪滯歸船去年細雨

梨花外記得江南巾酒眠

次韻王袁州

獨抱餘醒似病眠急呼三百舊青錢綠楊影裏
蕭蕭雨望斷同時載酒船

次韻陰僉憲夢遊桃源二首

盡說仙源隔片塵誰知枕上是通津武陵太守
無仙骨只見桃花不見人

其二

他家服食舊通神不信人間有古人前夜夢中

歷代詩選 卷三 不詳 十三
如借問紛紛又過幾亡秦

便面

竹裏幽亭是我家門前白水浸平沙釣船順放
中流下袖手船頭看浪花

胡馬圖

夜醉葡萄倚壁眠眼中胡騎忽翩然誰知慘淡
寒綃裏中有黃榆萬里天

船上謠

千艘飛過石頭城獵獵黃旗發鼓聲中使面前

傳令急江南十月進香橙

書所見

水明煙碧萬條絲短岸斜風晚更吹紅面小奴
牽白馬爲誰來繫斷腸枝

見素小畫次西潭韻

素公作詩故竒特石鼓聲牙字難讀素公作畫
如作詩峭石插天松壓屋

項進士便面

天光低碧暮寒浮峰色紆青晚入樓長憶清秋

歷代詩選

明正存改

次集卷五十九

十四

仁

過上竺歸來明月滿湖頭

次韻范寧國戲答林憲長索酒

六年南海逐流萍不見天邊舊酒星
聞道澄江皆鴨綠敬亭那放謝公醒

次韻吳論德先生共月菴賞花

城市看春總未真縱無車馬亦紅塵
醉翁獨有閑風味管領東園樹底春

其二

未從花下醉清曛忽憶東風動茜裙
已按公詩

知節候來年相訪在春分

柳中書山水小景次王脩撰韻

永嘉山色秀成堆曾憶前年訪舊來
何處最牽東閣夢一林松影覆春苔

次韻答李拚之二首

昨夜追歡一闕堂醉歸山月已無光
朝來中酒無人問卧聽春鶯不下床

其二

楸枰爐頭擁薄綿嫩寒微雨暮春天
不知詩思



國家圖書館, NATIONAL CENTRAL LIBRARY, TAIWAN, R.O.C.

能多少榆葉梨花已滿前



補學性
黃青家
藏書

石倉十二代詩選

明次集卷之六

傅趣齋稿

大明

稭順王雲鳳著
後學曹學佺閱

銅雀臺

我走鄴城道忽憶銅雀臺臺下漳河水一去不
復回主人當途高意氣昔何健餘狂不自禁翠
翹三十萬日日長歌舞玉竿照瓊筵錦殿春溶
漾綺窗月嬋娟西陵七十塚白晝妖狐踞蘆荻
漳水秋不見歌舞處白鳥四五來翩然飛且鳴

行人發清商遠歌如哭聲野翁向我言物豈有
長好况此亂世雄遺跡不如掃土花蝕殘尾價
重珊瑚枝巧匠鑿古硯舉世嗟嘆之南望金谷
園北望邯鄲樓萋萋連宿草漠漠晚煙浮

古意

中夜有所思所思君不知春風吹蔓草秋風摧
霜枝所以別離人悠悠負心期別離非所惜年
華難再得只恐君來時妾已無顏色

李天瑞論事遠謫冬月渡河冰陷而沒

瞻彼湖中島松柏在其端下有塚纍纍行人傷
心肝流光催人老坐使彫朱顏朱門臨廣陌大
蓋紛鳴鑿珠簾映紅燭清宵歌未殘高堂列鐘
鼓胡爲獨幽閒志士懷百憂十日不一歡所憂
在何事非爲一身安志違身亦死令人坐長歎
不如飲美酒與衆共遊般遊般非吾志去上首
陽山

貴鄉謠

大名縣印
古貴鄉

貴鄉草春榮秋枯不自保貴鄉民公來活我公

歷代詩選

明王應詔

次集卷六十

二

西

去貧我有慈母奪者誰老翁相逐嬰兒啼君不見今之官長推不去迎得新來又如故

青陵臺

青陵臺何崔嵬妾心以爲夫婿死蛾眉肯向君王開地下幽魂相對語樹頭嬌鳥求其侶祗今名姓記韓憑高堂何處是青陵

洛陽歎

李花白桃花紅蜂來蝶去春匆匆桃花紅李花白幾日東風好顏色東風顏色不長好昨日少

年今已老漢陵唐塚何纍纍行人愁行洛陽道

登黃榆嶺

厚坤忽擁太行脊上倚青天纔一尺地凝餘滓蕩水痕我憶乾坤始開闢誰鑄萬朶玉芙蓉蒼壁丹崖太古色雄根西與崑崙連爽氣東堪秦嶽敵上有天矯之寒松下有礮轟之怪石瀑布直下三千丈長虹偃蹇明珠擲萬壑晴看雲氣流六月時有冰花積幽龍往往澗底眠一泓不動玻瓈碧層巒廻岫咫尺間恍惚龍行失南北

月
不
言
道
日
三
月
音
二
百
五
十
仰窺嶮嶮心骨驚俯瞰餘衍毛髮立馬蹄踟躕
不敢馳聳耳長鳴如有識左右應接且徐步一
一異態看殊斃嗟我平生愛肥遯利名不治煙
霞癖見此喜極顛倒吟安得長風駕兩腋摩挲
絕頂縱雙眸一覩方圓天地窄礧巖欲討幽人
居白鶴時見飛來隻何日買田耕紫煙閒看雲
霞朝復夕

雁南飛

雁南飛南飛雁何之望君君不見見雁增我悲
獨立西風看雁飛金臺風冷遊人稀秋光欲盡
君不歸

爲李時升題竹卷

世間紅紫曾不顧日月坐對江南趣是誰霜尖
掃墨花奪取造化歸纖素鑿得怪石湖之幽湖
波有神神亦愁寒擁蒼鱗千疊浪晝滴清嵐萬
頃秋上有數竿直如指縹緲一枝墮還起青懸
滄海珊瑚鉤彩弄丹山鳳皇尾我今見此雙眼
新風塵騎馬是何人秋來明月當空夜不減瀟

歷代詩選
卷之三 原音
四
湘梁淚筠

題霸陵繾綣卷用晦弟价儼舉人

山噴吮水潺湲送子千里道別易會應難酒罷
更復酌盡此杯中歡丈夫四方志未了黃鵠一
舉天地小相逢未可卜何年後夜月明夢相遶

商州道次邃菴先生山中吟韻

風葉蕭蕭點亂山愁人到此一開顏雲深日暮
有柴關穉子林間驅犢出老翁澗底負冰還

過鐵山歌

曉離青泥嶺暮度仙人關上如曳壁蝸垂涎下
如竄莽雉束翰曾聞陰平與三峽舟車往往爲
摧殘入蜀大抵無坦途此地令人毛骨寒懸崖
峭壁坑深谷枯松怪石生其間魂驚目眩人蟻
附手捫足縮成盤跚古寨白骨幾千載野翁指
點嗟復嘆金人旣入和尚原又報百萬開鐵山
漫倚河池蜀門戶要知捍蔽須長安陰風忽自
遠壑起隨奔雨雪千萬里行人半載衣裳單還
勝樵夫凍欲死須臾雪霽雲亦無片月當空去

歷代詩選

明正憲詔

次集卷六十

五

八

歷代詩選 卷之六 三百九十四
人思趙抃元非宰相才七度過此徒勞哉新法
可罷卽當罷如何却待安石來中原都無用武
地益州一隅非上計木牛流馬竟何功道險英
雄難用智吁嗟紛紛不足數我獨有懷懷杜甫
携家凍飢白水峽猶自清歌無所苦眼底榮華
視如土

畢郢原

我昔過北邙春雲暗夕陽今來渡渭水黃葉秋
風裏洛陽騎走咸陽道客頭未白心欲老秦錮

南山漢爲墓望裏纍纍總煙霧文王廟古不鎖
門驅車愁山畢郢原

西山

懸崖綠樹陰坐久晝蕭森舊路皆塵跡閒雲繫
野心泉聲鳴別澗鳥影落平林欲汲龍潭水攀
蘿上遠岑

過保定

南北此車馬江山幾俊英蓬壺百花嶼風月兩
關城波淨流天色沙飛作雨聲蒼茫兵甲地弔

古有餘情

過白樺嶺

半日行難盡高低險復平
草深猜地軟雨罷覺雲輕
空谷駟輿過深林虎豹驚
山頭聊縱目萬里一川明

漢江

馬踏雲窩裏人穿石罅中
天因秦嶺狹山爲漢江
空明月池邊雨黃金渡口
風野亭門不鎖蒲地夕陽紅

再到邵陽看竹

此君重復見似有故人情
歲夕節逾勁春來笋自生
新枝含雨潤疎葉散雲輕
相對不知夜華山孤月明

出順德府西門之和順宿福堂村

路遶龍岡迫雲依虎谷
頻揚鞭爭去蹠隔水問
迷津聽鳥聲如故看山色
似新孤村燈火夜野老話酸辛

自洵陽登舟向白河

吏人隨我出渡頭雲正晴映雪波逾綠有泉山
更清地每少人迹舟不繫吾情到縣三百里短
歌記遙征

送孟仲平陝西屯田僉事

璽書初下建章宮諸將邊頭已望風秦甲連營
金窟北漢屯分畝玉關東山埋凍雪侵雲白水
落寒岩繞澗紅聞道羌酋今款塞須將耒耜變
刀弓

汴梁有感

霸王荒臺空突兀隋堤殘柳正蕭疎耕夫不識
市朝變野寺猶存宮殿餘士慣悲歌成故俗土
含腥血已穿渠抱城濁浪何時息漢策今慚總
不如

晚步天津橋

山光撲翠老龍鱗故國遺墟草自新世事盡隨
伊闕行人猶踏漢宮塵北邙高塚元無主金
谷殘花不繫春但恐杜鵑今再至天津橋上客
傷神

遊華山

塵寰名利日紛紛到此何曾入耳聞
井泛紅霞蓮十丈泉生香霧酒三分
道人慣續登仙譜俗士空傳佞佛文
自願此生無住着欲登高頂看浮雲

贈岷州張憲副世亨

法臺坐鎮三千里士飽民歌已六年
洮水南分羗部落鐵城西控漢山川
欲教夷俗全歸夏力挽文風不似邊
君去長安尋舊約我歸曾未卜

秦前

秦州有懷宋惟寅胡用晦二兵備

宦情未了奔忙債又挈妻孥隴外遊
滅虜愧無充國計感時惟有杜陵愁
故人相見歲年晚旅舍獨吟風雨秋
欲向飛鴻傳一札滿塘蘆荻恨難收

次東坡雪韻

滿積平原已沒鴉
忍寒開戶覓柴車
鮫人千萬揮珠淚
神女三千散寶花
大地鏡光天照影
已

江春浪海爲家趨朝欲步長安陌先問行人路
幾義

晚坐聞雁約張用昭登金童山

春雨生泥罷出遊小窗疎竹晚來幽家書每向
烏占喜客枕那堪雁送愁幾日吟毫曾適意經
年文案是埋頭故人欲共壺觴約一上金童百
尺樓

書隴州故關巡簡司壁

泉聲樹色擁行車同到關頭吾祖家故事尚虛

當日叟近年初改舊時衙前山鸚鵡何言語別
院梧桐幾歲華塚上青松今已拱不堪揮淚夕
陽斜

秦州逢隴州閻允中

握手關頭夕照紅寥寥孤雁度長空莎平初罷
昨夜雨野曠不知何處風鸚鵡飛看來隴上鳳
皇鳴合自岐中十年憔悴君何往一日離愁我
向東

岐山道中

歷代詩選 卷之三 賦音 三
岐下山川自不同西來瞻眺未能東地非漢故
空陵寢民是周餘近鎬豐欲聽鳳皇鳴曉日又
看禾黍動秋風平生弔古情無限千載興亡一
望中

子午谷

馬前銅笛轉山頰樹底行沿漢水濱又喜晚炊
來子午曾經春雨憶庚申采茶調急穿林女放
瀨聲高蕩槳人何事妖容千載恨拂衣猶有荔
枝塵

黃河西听別胡鑑牛斗韓邦奇邦靖

曉看泰華三峰雨晚步黃河滿听風七載宦遊
無可述一時佳士遠相從談經訓詰詞章外論
道精粗巨細中此地不堪重回首沙雲初起夕
陽紅

送喬希大

野寺逢君一飯時長空星斗正高垂快談每覺
連宵短極喜翻成數日悲舊日塵空皆欲老壯
年豪氣不曾衰華山仙掌應千仞把酒同登亦

歷代詩選
卷之三
太奇

東臯爲冑郎中題

盡省才華有數人東臯心不在風塵嘯登每羨
陶元亮取號真同戴叔倫淮海雲煙千里夢長
安歲月幾回春憑誰寫出山中趣手把書看白
氎巾

弔平氏

遇寇不辱
投井而死

山前翠黛走縱橫投井遙令賊黨驚百尺香泥
珠不漉一泓清水月長明此生身獨關風化數

日人皆識姓名女子不貪生草野丈夫幾見振
衣纓

曹繡衣奉勅閱試邊關事竣回朝送別

齊魯同遊憶昔年偶聞皇命遣巡邊帳前弓劍
三軍月臺下風霜五月天正喜鷺車來赫赫忽
看馳馬去翩翩中原莫道無征戰却恐狼星未
改絃

次大同巡撫石邦秀作懷牧堂

南北風塵幾別離邊頭頻喜雁來時百年部落

歷代詩選

明臣集

次集卷六十

十三

春

陰山雪千帳，貔貅上將麾。號令文章才，不淺笑談樽。俎句還奇極，知大勇非真怯。懷牧堂高繫我思。

祀陵禮畢歸宿野寺次陳西潭韻

歸途奔走盡如狂，我亦從朝至夕陽。做榻夢寒人欲蝨，空山夜久月生香。衣冠半是重來客，車馬不知何處郎。獨羨野僧無箇事，晨敲石炭煮龍章。

和德華杭州遊西湖

把酒同登山外樓，海天風雨淨初收。彤霞晚接芙蓉水，嬌鳥春隨歌舞舟。魚鱗行邊皆可買，園亭到處不嗔遊。東南勝地西湖景，暫得逍遙一遣愁。

登大同城樓次威寧伯韻

水落陰山萬里秋，題詩我獨後登樓。天連瀚海雲常慘，風起龍沙客自愁。報主不妨先士卒，滅胡奚必晉公侯。書生開口征夫笑，塞草蒼蒼紫磧流。

送太醫院使仲惟馨致仕

長安卧病只斯須，苦憶丘園或謂迂。
燿月又看歸北老，雲霄還自有雙雛。
曉來車馬誰能却，春盡風花我亦酤。
天下瘡痍待公手，不須蹤跡徧江湖。

喜雪和吳遜之韻

木杪風聲乍報嚴，已從雲罅落疎簷。
真成月色夜當戶，誤喜楊花春撲簾。
客餒要逢賢令起，民貧亟向有秋占。
吟喉不慣烹羔味，一嚼清寒去

手拈

趨朝

仙侶羣趨佩有聲，樓西鐘鼓曙光鳴。
赤墀初識班中地，彩仗常迷問後名。
宮闕遠隨天勢起，山龍高射日華明。
小臣身入唐虞國，白髮癸心敢負盟。

謁元世祖廟

走傍城西一徑斜，偶瞻遺像起長嗟。
漏餘古廟多生草，禿盡疎槐不住鴉。
四海可容夷作主，中

歷代詩選 明王應龍 卷十四
原誰遣宋無家欲將絕筆傳尼父書法須當破
五車

走筆謝石門贈東坡墨刻

中山石上數行坡風雨千年有禁呵情憶高人
分處惜夢驚佳物得來多飛揚似帶湘煙潤拂
拭頻將楚壁磨欲報瓊瑤翻自笑撥開塵眼一
高歌

吳翰林南夫借少宰吳公宅次南夫韻

幽亭危處讀書菴月白風清好縱談竹石暫留

憑客賞乾坤同寄欲誰慚地偏已覺離亭外調
古時聞起巷南我擬借遊應不惜春乍會未卜
東驂

廣平

洛水清波受暖風郡名何改漢時封草侵戰血
秦王壘煙沒雕梁竇氏宮荒塚昔曾題冉子居
民空自壯毛公殘碑剝盡苔痕在書法猶能識
蔡邕

確山道中

馬躍長途正曉晴數峰遙遣翠嵐迎雙雙蝶翅
春相媚一一虫聲暖自鳴花傍孤村紅錦簇麥
浮新隴綠波平山凹或有仙翁住縹緲常聞日
暮笙

泌陽道中

日暮春殘客味慵不堪詩思苦愁封溪頭薄雨
流相接道上幽花落更重黃犢眠時分野榼綠
楊低處憇村春歸來却恐傷人畫身在銅山泌
水中

正月一日自金州向平利食于山館次遂

菴楊先生韻

村叟供茶不滿鐘篝燈人喚野亭東春寒半落
巴山雨夜靜全生漢水風爲客十年書懶看思
家千里夢長通一身風化渾無補歸去須收耕
稼功

洮州除歲次庚申正旦平利道韻提學時

作

夜寒強飲至餘鍾天上星回斗柄東茶味香添

歷代詩選

明玉鳳前

次集卷六十

六

仁

歷代詩選 明三原音 二百五
藏尾雪燭花殘怯隔窗風興隨山水無時盡夢
入庭闈有路通除歲舊愁除不得兩年豐芑愧
無功

再經潼關有感聞侍御謝汝爲在華山雲

臺寺

去年春藹今秋爽兩度山河入望時德未感人
官可愧事難如我世翻疑愁多屢有思親夢興
懶全無寄友試問道雲臺剛十里謝安遊賞似
相期

三岔驛題壁

長安已恨庭闈遠又去長安大路西八月石田
初秀麥數家茆屋不聞雞山深易晚雲生頂路
僻多秋草至臍何日挂冠歸去好太行山下一
枝棲

洮州題壁再次石豸史韻

眼前風物異中華每笑居夷事可嗟鞞鼓聲隨
番唱急旌旗影逐寨兵斜北看斗柄天應遠西
到河源路不賒却恨平城猶苦戰匈奴未滅我

何家

陝西試院雨霽呈季侍御

地迥翻疑隔市城重門盡日鎖秋聲雨生深院
心全爽雲散空廊眼正明滄海豈無珠未得碧
梧應有鳳先鳴烏臺風采誰能似雄辯懸河滿
坐傾

巡邊宿岩昌驛

病餘強起一巡邊古驛無人但野煙藥裹自煎
紅滑拙茶鐺還汲碧潺湲波濤聲送牀邊雨星

斗光懸屋裏天欲弔忠魂何處塚空畱名姓自
山川

城西閒步

閒遊長少競追隨正是東風二月時滿澗泉聲
來古寺隔林人語認殘碑已埋翁仲肩猶露欲
畫宮墻匪尚遺却憶咸陽樓上望秦川煙樹客
遲遲

山東德府觀泉

暇日冠裳簇錦筵芳樽遙自殿門傳坐中絺綌

風千里花裏樓臺水四邊送酒笙歌來別浦近
人鷗鷺啄飛泉王家不是尋常到尚想茲遊二
十年

送王正之丞新淦走筆次甌濱先生韻

朝回有暇便相過客邸清談柰別何此去莫言
官未好向來端恨會無多秋光喜映黃龍氣曙
色遙分白玉珂今日閭閻須父母聊將撫字罷
吟哦

長至祀陵清河道中有懷希大兄

郭外雲高雪欲低孤征誰共晚風淒幽懷正苦
愁中閉好句何曾得處題坐愛山光隨野酌倦
憐松影護僧棲茲遊長作相思恨畫省人還夢
不迷

謁孔明祠

中原無處不兵戈獨向岡頭抱膝歌醜女只將
才作配將軍須待駕頻過圖中龍虎真難測身
後桑田未肯多兩表久無曹父子一星還殞漢
山河青天白日神長在宋碣唐碑字欲磨寂莫

歷代詩選 明王鳳音 卷六 三百五
荒臺儼遺像行人臨去復蹉跎

禁體詠雪

癡雲苦霧互依憑望裏乾坤已混凝
默默寒侵烘硯火濛濛光引讀書燈
遠飛鴉背添多重閒倚龍鱗結數層
來欲斷時能自續斜將頽處巧相承
庭前纔見平如席門外俄驚積似陵
屢拂難停僧頂滑亂阿那怕客鬚蒸
紫宸動喜朝初放書省耽吟思正騰
劇賞須臨太行野此遊還記昔年會

漢江

雲霧青天暗蛟龍白晝遊我臨漢江水
頻上岳陽樓

題岷州梅川館壁

霏微煙雨送秋寒倦愛幽窗一榻閒
學語嬌鶯驚午夢移牀煮茗看青山

過乾州

道上行人歇馬時空山處處有殘碑
軋陵故事應無數只問當年寶女祠

宿黃金渡

幽亭戶掩殘燈火坐久寒生山寂然吟罷新詩
無處寫月明斜枕漢江眠

上陵避雨玉城寺待孔時希大不至

馬上蒙頭十里餘偶穿踈柳到僧廬不因坐久
心塵淨爲愛看山好讀書

又

涼雨瀟瀟去復留高人何處繫吾愁老僧相見
坐無語一院野花山寺秋

上陵至沙河與孔時偕行

晴泥初踏出荒城百里山光幾送迎不問主人
先繫馬竹牀茶椀坐來清

劉東之限韻題趙訓夫畫

辦得芒鞋步遠蹊雙眉曾不向人低春來未許
隣翁伴獨坐岡頭聽竹鷄

送德華

十年奔走更何云爲憶家山喜送君試訪太行
何處好卜居時看隴頭雲

歷代詩選 明王應龍 二
接本

九重咫尺似萬里待詔遲遲未敢歸
春雨不來雲白起禁門人靜夕鴉飛

題畫

草履麻衣也自華杖藜徐步定誰家
山人欲訪岡頭竹厭看春來市上花

訪吉中舍

幽居長伴鶴爲雙壯志年來未肯降
我亦何心走塵土南山青愛映書窗

聞天瑞墮淮水死

母立斜陽待子歸肩輿誰遣蹈危機
巨卿不省春來夢沾濕遊魂未得飛

阮籍墓

誰遣相隨入醉鄉只將杯酒送年光
可憐常侍墳前土千載何人酬一觴

湯陰分司逢王茂學

相逢一話卽相知日暮匆匆又別離
君過邺城回首處岡頭是我望君時

歷代詩選

明王應龍

次集卷六十

十一

八

西平道中送客

桃紅柳綠春意濃
嬌風吹送雨濛濛
道上行人不歸去
目斷南來幾箇鴻

射

纔買雕弓出市頭
欲將騎馬覓封侯
霜顛笑殺關門將
未識英雄一段愁

秦州看雨

晝鎖重門看雨卧
霧爲車馬風篩簌
恰似讀書山寺時
獨坐空庭松數箇

岷州畫虎皮

斑尾紺睛百獸逃
曉風寒月下臨臯
臯比誰贈霜臺客
坐對南山萬仞高

送張少叅考績

岷山渭水慣同遊
暫向東亭繫客騶
萬里孤鴻又南去
一樽相對灞陵秋

岷山雨坐

一夜雲生雨有餘
庭槐夜竹共清虛
坐來俗客何曾到
獨對青山好讀書

歷代詩選 明三原音 待隱園雜詩爲邃菴先生作次韻

江上新園一段清雨餘偏愛踏莎行年年馬上
風塵表回首天涯是此情

緩步閒行手背艾蒼苔屐齒踏成花小池童子
開泉眼獨坐磯頭弄水華

買園全隔市塵侵灌溉從人笑漢陰風景別來
長在眼不須圖畫看山林

初到林泉興最多菊親料理石摩挲晚來獨倚
長松坐渡口微風送擢歌

過天津答儲靜夫絕句見寄

我舟初掛一篷新偶遇南船便問津喚我停橈
過倉去听頭閒看放罾人

閩流民

井地遺踪廢自秦人無根柢世多貧可憐野火
依棲處猶是文王舊日民

書山陽分司壁

漢江之水流潺潺漢江之月照人寒洵陽北來
更奇絕十日青山不盡看

送官汝俊

君來長掖四年多故里朝天得暫過爲我試尋
東海上蓬萊方丈果如何

蓉湖

坐久薰風不厭多花香水氣更如何欲尋仙子
家何處十里紅蓮映綠波

華清宮

偶來一浴渾無害何事頻遊天寶年愛浴不知
心有垢宮中猶賜洗兒錢

送別

春濕蒸雲雨欲絲飄飄遊子別離時愁看陌上
青青草送盡行人總不知

乾陵

發餘陵上石縱橫陵下閒田亦盡耕獨有穹碑
高入望行人下馬閱題名

再到鎮安考試諸生畢看泉

試罷行吟別院開惟多黃葉與蒼苔忽有泠泠
聞樹底山泉流過短牆來

題畫四鳥

扶疎綠葉晚繽紛似染瀟湘水上雲何處飛來
數聲鳥月明幽客夢中聞

杜鵬

春堤何處綠絲垂管領東風千萬枝小鳥也知
長愛惜碎聲長似說芳時

黃鸝

東郊膏雨潤撥犁禿樹槎牙葉正齊何事省耕
亾舊典空勞此鳥一春啼

布穀

山禽何以喜爲名謂向人鳴喜便生自是人聞
鳴便喜民愁不是汝無聲

喜鵲

登驪山

驪山山背路縈迴御輦曾經此地來一自潼關
飛羽檄殿門長鎖不曾開

驪山次菊水胡大叅韻

稻塍流水是江南陰壑懸崖午送嵐欲上瑤光
樓上望青松白石繫征驂

奠孟仲平墳

祝融祠下仲平墳走馬來尋日已曛十載故人
凋落盡空山無處覓機雲

送任中夫歸太原

旅館相逢卽故鄉
別筵誰遣近垂楊
燕山二月春猶薄
欲贈煙絲苦不長

題畫

繁燿猛霧作陰時
江色山光晚正奇
莫怪斷橋無渡者
幽人踪跡恐人知

禿樹槎牙不記春
短茅新結淨無塵
欲從何處尋幽伴
本自空山未屬人

石倉十二代詩選

明次集卷之六十 終



石倉十二代詩選

明次集卷六十一

容春堂稿

大明

無錫邵寶著
後學曹學佺閱

送劉時雍行邊

司徒始受命朝野賀得人兩邊數萬騎所望公
一身公囊無芻糧公心有經綸孜孜爲國念對
越天與神公復不自用乃薦一二臣遺事匆搜
閱微言博咨詢稽首殿陛下丰儀動高旻登事
向西郭樽俎羅朝紳慨然盡餘酌眼中無虜塵

歷代詩選 明邵國賢 三首
千載有韓范公也直其倫未至百草秋既至萬
卉春緩急在公手瑣瑣何足陳

贈王生子春

子從天台來衣裳帶雲氣誰知山澤臞有志在
當世經史隨所詢一一見深致董生去古近高
明得超詣胡然叢猥中獨與前修契士患飢與
寒大節窮愈勵所貴道在茲川流日以逝我行
入湖南子作東歸計何時黃鶴樓共子挹光霽

題卧龍菴用晦翁韻

此有石如龍天成諒非鑿是何空洞中雲水起
復落常疑雷雨時飛騰出深壑作菴者何人清
風宛如昨兩公固龍德恨也俱晚作秋霖不濟
旱千載領餘酌江湖極秋波長歌對冥漠

芝山寺題壁

芝山草如黛青春空復過我來憇古寺落花看
漸多林鶯惜芳景和我登山歌白日不可挽更
柰風雨何老僧供香茗小坐成天和江公舊遊
處長松呈新蘿止水一畝池流行同江河晚峰

縱高眺鄱陽渺雲波五老近相別笑指廬山阿
天津舟中夜坐觀水

河水東注海海流亦復東人言如沃焦畢竟誰
能窮蓬萊不可渡萬里悲天風北斗揭天柄影
落清波中耿耿欲迴瀾蕩漾涵虛空昔聞有碣
石助禹成神功我將往求之道險多蛟龍靜觀
歎逝者緬懷川上翁

聞錢希翁訃

海鶴奄以逝海天邈難招高鳴尚我耳尋聲竟

寥寥伊昔來鳴初居然破羣囂中鳴發天妙寡
和多見嘲老心在萬里有林不成巢彩鳳雲冥
冥青田草蕭蕭哀音天弗聞引吭徒爲勞乃今
蛻世紛復得返逍遙仙骨當不朽我銘瘞江臯
人日喜晴

我來洪都城人日喜初霽夙興省鐘聲起視星
斗麗澄湖動晨光雲霾散天際樓臺東復西象
差藹清氣惠風蕩前楹公餘步還憩案牘雜詩
書吾事非日計獨賀陽道亨從茲破陰翳請看

迴輶時春深滿庭翠

新喻道中

夏水交垂陰登登入山路遙峰薄雲青川原莽
回互逾岡見長溪可涉亦可渡驅車獨向西磴
小僅容步幽花自成姿時時竹間露仰觀天宇
寬萬有悉中布我懷彼美人滄江渺煙霧

湘夫人用唐人韻

洒淚向楚岫白雲生遠愁重華不復返江水日
夜流美人美如玉春草滿汀洲

屯田二首寄胡用晦

從軍古云苦况復遠戍邊強者乘障去羸弱乃
屯田惡土不生草漠漠沙兼天犁鋤亦病甚幸
免荷戈鋌但得烽火息聊以延歲年

又

邊塞少雨雪歲豐亦如荒相逢草相問豐荒兩
無望荒歲固飢餓一死足以當幸哉遇豐年誅
求益遑遑有生不如死長慟天蒼蒼

疎山寺

歷代詩選

月都國賢

次集卷六一

四

丙

歷代詩選 明倫彙編 卷之二 四
我來訪踈山幽賞酬夙昔秋風吹江波繫舟岩
下石弔古誦其詩手拂蒼蘚壁游雲相徘徊去
地不盈尺清歌杳塵夢聊以終此夕

建昌分司古松

古松當中庭荒館幸有此微風亦秋濤雨翠生
煙紫月來夜如何對我閱文史我愛巡行初見
汝若君子

理髮見白有感

日來櫛我髮漸覺白者多世事非我力我憂欲
如何我齒隣半百光陰逝江河老至不自覺自
謂心無他我心但不改寧妨髮皤皤

答尹吉士

齋居坐薄暮西陽照牆東垂簾絕賓客樹影何
叢叢尹生偶入室依然故相從數語勤請益令
人契深衷妙齡志尚友文翰豈徒工遠遊出彭
蠡浩思偕溟濛登庭列周士所得良已豐絃瑟
謝俗調三歎歌虞風大哉經世業乾坤與無窮
吾衰負吾道俯仰增愧容安能挽星漢一洗兵

歷代詩選
明存國朝
二五
戈空

與王德華

初辭渾河津輕舟疾如駕相逢忽相問茲會乃
天假去來各匆匆聊此半日暇對君新涼餘王
事深慰藉東藩稅方逋北徼師未罷悠哉遠臣
心焦勞達晨夜謂余汝何言予有再拜謝依依
復依依孤舟竟東下

宿池江

秋熱大可畏舟行乘微風豈不需燕息興在臨

川東晚泊擇所止碧水連遙空沙鷗解人意來
往如相從

又

放船泊中洲不住亦不流愛風當南港畏日背
西丘浩歌待明月解帶倚柁樓水花向我笑茲
意方悠悠

奉寄東山公

巴陵勝槩地岳陽天下奇公昔遊且釣今歸幾
登之驚波感世路江湖渺無期再讀希文記千

古長相思

夜遇高縣尹

獨行寒夜清驚鳥時一鳴相逢卽相別翻使客
愁生微論開新瘴幽懷抱宿醒臨分還致語側
耳聽賢聲

遇王叅政汝言

蘭澤多芳草引領遙相睇河漢清且淺愁思當
告誰我有一樽酒客從遠方來臨河濯長纓樂
飲不知疲

有所思

蘭榮一何晚向風長歎息褰裳欲從之磷磷水
中石西遊咸陽中入道逢深識駕鴻乘紫煙高
舉振六翮

惠山泉歌奉次厓翁先生

擊石長歌復長嘯山無人聲泉有竅詩人曾謂
茲山空又聞山與南海通向來泉託山人姓公
爲勒名名始定石池左右多檻泉迤邐非突還
非懸公門如海納川水肯向東方遺一士出山

還似在山清中有石子星之精別公無言懷獨
瀉公乃題詩贈行者高詞盡得今古奇我歌合
向觀泉時

江雨

西津渡頭江雨來雨點入江江水迴雲飛逐風
沙走石只尺不見東岡臺臺樹叢叢還可望臺
上看江更奔放明朝擬下鄱陽船月色浮江水
微浪

題太白像

仙人騎驢如騎鯨睨塵海思東瀛等閑相逢
但叱咤誰知萬古千秋情醉來天地小于斗鞭
策雷霆鬼神走豪奇自比齊東人大雅猶懷魯
中叟青春想像華清宮解識仙人圖畫中拍浮
淥酒喚不醒葛巾颯颯生天風

廬山謠用李韻

廬山倚南極乾坤一高丘絕頂有佳處可作仙
人樓訪書命我訪奇品等閑却遂平生遊白鹿
洞在五老傍我來講席雲錦張青雲見彩霞生

光玉聲左右泉不斷我行東峰澗有梁眼明還
直西南望澄湖煙水俱蒼蒼不知乘舟者誰子
望我應恨天衢長廬山如廬幾萬間與仙作主
去復還黃塵洎洎似海水此境卽是蓬萊山載
歌唐人詩我句亦時發九江秀色行攬之楚帆
風送飛鴻沒五老五老真有情萬峰之中獨自
成何時拄杖往叅立上呼羣仙下紫京笑攀北
斗挽銀漢共洗濁世降太清

寄題東林寺壁

雁門僧避胡塵來住廬山中尋講臺誰云淨土
在西竺此池自有蓮花開蓮花開開千萬朵江
南君臣不疑我淵明故是避世人菊花醉挿頭
上巾攢眉掉臂謝公去一杯濁酒堪全真當年
意在誰獨識虎溪笑處泉流石至今古塔依西
林月落江雲樹千尺

楚江漁父圖

有臞一夫立荒圃人云三閭問漁父楚江風景
是那非而况原心越千古原心上有先王知天

地可質中無疑夫豈不解漁父意揚波歎醜焉
用之物無滯礙能推移是聖者事吾何知蒼蒼
故吾山湛湛故吾水宗國如何吾病矣九死侵
尋無一是蒼梧帝遠天闔幽上下四方徒遠遊
雲驂風駕倏萬里歸來江上令人愁長揖向漁
父漁父難與謀誓將魚腹爲狐丘君不見滄浪
歌兮漁父去煙霞茫茫不知處

饒娥去

饒娥哭哭何爲哭求見父面不圖今見屍屍浮

水怪露已矣娥不知即便娥不死見屍未但已
伏屍三日哭娥也終赴水江上徒聞號慟聲日
暮水怪猶縱橫

高安縣學觀習冠禮東守巡王君

洪州江濤囓堤急江中老蛟似人立春來風雨
助江靈萬丈新堤無芥力誰將神物障狂流鐵
桂宮成幾百秋番陽湖深東入海空厓禹廟空
悠悠筠州有蛟今有柱山霧如江化爲雨絃歌
在泮修舊章允矣嘉賓吾愧主

歷代詩選 卷之四
小孤山

昔聞砥柱黃河中萬古坐鎮狂瀾東小孤乃是
江砥柱特起不與羣山同羣山隨江鋌奔馬愛
此石筍凌蒼穹孤哉孤哉本天造一任巨浪乘
長風節宣夙受神禹戒滔滔不礙江朝宗我來
信宿彭澤下只尺仰望神妃宮翠煙霏霏落杯
酒千帆闕盡澄潭空舉杯酹江江日白隔江縹
緲留青峰便當載筆賦東海三山點破雲冥濛
開先僧送泉水

泉齋愛泉如愛玉每向名山觀未足長言世味
無此真俗客浪誇魚我欲庄廬瀑布故有名幾
回坐飲龍池清不知泉亦我知否我獨與泉如
結盟茲行未暇登山寺遠汲雙瓶解焦思老僧
聞我携茗來笑揖山靈謝珍賜囊開陽羨新春
芽夜烹落盡青燈花吾泉在惠久能味豈以異
好成遺遐相將一椀復一椀此味天教吾輩管
明朝西望雙虹垂放筆大書湖水滿

昭明太子讀書臺

歷代詩選 明初國賢 二 二百五
江左風流在前梁復後唐壁分新草色臺散舊
芸香跡與仙風遠名隨佛日長澄湖回首地雲
水一茫茫

望龜峰

望裏龜峰寺幽尋路可窮風塵四壁外天日一
方中水曲真疑斷雲盈不礙空往來題詠者獨
立歎神功

送僧圓顯往慧山寺

寺據諸山會公因一檄來夢驚松閣雨歸掃石

巖苔得主憐西社遺書釣北臺野雲心跡在古
洞傍泉開

岳陽晚景

木下秋風起青山送雨歸日低真見落雲遠不
知飛江色煙中淡鴻音渚外稀倚欄情未極寒
氣濕人衣

經廢寶慶寺

山中留古寺門對夕陽開苓露松春長鴉風鶴
夜回佛龕塵伏鼠僧榻雨封苔解得真空意荒

涼未足哀

晚發五溪

晚鼓溪船發秋風動楚天月生洲柱外煙起渚
鷗邊野艇橫村渡農蓑散水田夜涼何處宿遠
思正相牽

留別婁郎中元善

廿載論交地溪山古信州晚園收碩果周道傍
寒流景已裁春服人將渡野舟夕佳軒月起還
照越江秋

九江贈馮戶部用見素韻

五載三曹彥登樓感舊遊帆陰連水岍簾爽帶
雲丘院靜風生鶴城春雨應鳩明朝此樽酒還
擬爲君留

將至鄔子舟中作

只尺郵湖水相將入楚鄉雨中帆力緩風外笛
聲長夢渴山泉茗吟銷海島香舊遊堪一憩何
處有甘棠

贈陳平江

歷代詩選

月卽國賢

次集卷六一

七

六

歷代詩選 明石國賢 三
南浦逢君處相看各問津乘槎元有漢懷璧故
無秦帶礪千年地風波萬里身東風淮水上古
廟不勝春 重

女埠夜泊問章楓山

女埠薌溪上幽居路不遙山風聽夕瀨江雨問
春潮清秩辭新命華楫憶舊招何時拜牀下鄙
吝爲公消

秋野用杜韻

亦知樵徑窄且放釣竿長夕籟成竿調寒潭祭

鏡光小橋當驛路精舍近禪房十月春如許疎
梅幾蘂香

慧山十賢堂成有作

萬古名泉地諸賢合有堂雲龕藏舊影水鑑發
新光國史千鈞筆鄉評一瓣香煩僧語遊客到
此肅冠裳

麻姑山次萬長史韻

亭依青嶂曲徑遶綠蘿閒泉聽雲中佩峰看霧
裏鬟風煙初曠遠花鳥各幽閒落盡西林日遊

人始擬還

夜坐

聽雨山中寺蕭條對佛燈春懷偏惱客野興未
嫌僧雷似千峰動泉應一夜增壯心方未已靜
坐欲飛騰

王敬止使朝鮮卷

玉樹挺高標緋袍物度遼風傳箕子國星動漢
官輶沈丘春回早封疆晚望遙清名滿東裔正
馬自還朝

徐文靖公輓詞

公爲蒼生慟私還哭所知名成歸老日功在薦
賢時風采山中杖文章海內碑向來叅謁地風
動古槐枝

秋溪卷

潢潦初收盡寒泉走白沙雲來疑雁影雪舞愛
蘆花有客同書舫何人獨釣槎滄浪纔兩語歌
入水無涯

贈毛淵之

歷代詩選

月卽因賢

次集卷六一

七

六

寒風吹客衣之子正東歸雲影連蓬島江光動
少微天邊棲鳳沼海上釣魚磯折得梅花在還
將寄北扉

答楊儀部

驅馳山水國野興入秋多佳處每十宿浩然時
一歌渡江乘月坐題石讓雲過爲問南峰主相
逢謂我何

過天津見新築臺

臺起孤城外風塵地有餘奔鯨回築觀飛鳥避

儲胥鷗白連漁浦楊青引漕渠他年志兵衛史
筆定堪書

臨清都府感舊

憲府荒城內重門倚茂林壯懷天地濶舊夢歲
年深月幌思秋霽風簷坐夕陰靜中軍國計一
日幾經心

苦雨

江寒五月擁重衾滴雨空階夜夜深無地誅求
貧到骨勞人慟哭苦關心百川何處堪迴砥三

日他年本作霖坐對青燈頭欲白敢言吾道在
山林

擬遊慈恩寺用涯翁韻

春殘方作探春行古寺尋僧懶問名夾岸景多
頻立馬對花情劇更聞鶯鏡湖敢乞君分賜寶
地偏教佛主盟却憶江南如畫裏萬峰青接水
邊城

答錢戶部世恩

梅村東去問前津自折梅花欲贈人別恨却尋

何處在寄聲翻訝向來頻魚龍漫擬秋爲夜草
木先知地有春莫向樽前論出處綵衣公亦賜
歸臣

餘干寄秦擇之

別君風雨便隨舟剛得山亭半日留亂草侵泥
還宿鷺密雲籠樹更鳴鳩山中一館隣僧寺沙
際諸生雜吏陞慚愧舊遊無可道湖船連夜發
饒州

重登松風閣

天風蒲榻坐叅禪上有松聲下有泉高閣重來
三紀外老僧誰起百年前茶爐夜濕曇花雨畫
壁春銷劫火煙最是瀧岡猶未表北山回首思
潛然

孟城卽事

孟城驛前吟夕陽高郵湖上好秋光紅分苜蓿
初經雨綠滿蒹葭未受霜遠浦有波皆浴鷺近
堤無路尚垂楊南來時見吳江棹却倚船窗問
故鄉

東林寺

東西林在萬山中石塔稜層見遠公人結淨緣
還未了天畱佳境本無窮千峰雲影還朝暮一
夜溪聲雨更風欲覓蓮花何處是舊池惟有水
涵空

謁李忠文公祠

江上危城獨力支忽聞風急仆旌旗已無天訴
終窮矣空有人書某死之不負大魁真此地寧
爲厲鬼屬何時惟應合祀余安慶更列文山雙

廟祠

南昌感舊

舟行何處不通津六載章江憶舊巡南浦但知
乘傳客西山獨識倚樓人壇松月靜齋居夜庭
草風和燕坐春還向東亭問叢竹別來煙霧幾
回新

途中次白叅議輔之

舟行數日遠塵歎秋旱長河潦未消程趣漕兵
無邸閣籤傳候吏有津橋道傍垂棗全供烏野

外飛蠓牛食苗幾度觀風入村落與人堪誦不
堪諺

登盱眙山憶陳明之

津泗南來見此山米翁書在翠峰間唐時漫詫
僧歸塔宋代曾悲使出關新詎忽迷雲樹碧舊
題空拭雨苔斑欲登高處誰相伴黃鳥聲中一
鷗還

劉廣德介夫至

千里緘書兩日前今朝丰采復依然金蓮寺裏

觀風地白鹿齋中聽雨
昨夜雪夢回開小徑秋
濤觀罷乏平川梅花已有真消息不用江南驛使傳

除夜雨

爆竹聲中破積陰東風庭院晚沈沈
閒評經世何人手老惜流年此夜心
宸極有臨香几近慈闈無恙酒杯深
呼童起聽南窗雨却報梅花已
著杯

聞吳寧菴轉南京學士

山水江南是舊遊
公來誰不擬仙舟
高陵雲霧鐘山曉
清禁星連閣道秋
新制有詞全逼漢
舊章無改正從周
封君老向荆溪上
十日三書慰白頭

憶東林精舍寄示華生雲

東林寺裏舊書堂
三十年來野草荒
百轉未忘初鳥韻
一株猶剩晚柑香
山懷龍阜神俱遠
水問梅村脉故長
寄語雲生爲磨石
客中新記已成章